

U IMA VHUKATI



Ndi a ni livhuwa, Murathu Neville. Kha ri vhe ro ima lwa tshifhinganyana fhedzi zwino, musi ri tshi kotama uri ri ite thabelo. Kha ri kotamise zwifhaṭuwo zwashu. Huno arali hu na khumbelo ya tshipentshela, naa ni nga tou ita uri i divhee nga zwanḁa zwanu zwo imiswa. Zwino farani mbiluni yanu izwo zwithu zwine na ṭoḁa, huno ri humbele Khotshi wa Ṭaḁulu uri U ḁo zwi tendela.

² Khotshi ashu wa Ṭaḁulu, ri khou ḁa kha Iwe zwino nga Dzina la Murena Yesu. Ri khou ḁa, ri tshi tenda uri zwithu zwine ra zwi tama zwi ḁo divhadziwa thabeloni. Huno arali ri tshi ḁo tenda uri ri a ṭanganedza zwine ra humbela zwone, zwi ḁo tendelwa. Zwino iyo pfulufhedziso ndi ngoho nga maanḁa. Minwaha iyi yoṭhe, ro I vhona i tshi lingululiwa, huno ri a zwi divha uri Ndi ngoho. Ri ṭoḁou U livhuwa, tsha u thoma, kha u vhulunga matshilo ashu na u ri tendela u vhuya fhano hafhu, roṭhe, ro kuvhangana hafha tshivhidzoni tsha Murena.

³ Ri a U livhuwa nga nṭhani ha tshivhidzo na mufunzi, na Ngoho khulwane ye ngayo tsha fhaṭiwa fhano nahone tsha imela yone. Ri a U livhuwa nga nṭhani ha muthu muṇwe na muṇwe a re Vhuhoneni ha Mudzimu. Huno ri humbela uri U ḁo ri khathutshela, namusi, huno wa ri tendela pfeseso ine ra i ṭoḁa, uri ri kone u vha mulanda a konaho lwo engedzeaho Wau. Ndi lutamo lwa mbilu yashu u U shumela nga khuliso na mbilu ya ngoho, na uri U kone u wana zwenezwo zwa khwinesa zwi bvaho kha matshilo ashu. Duvha liṇwe na liṇwe, ngavhe matshimbilele ashu a tshi vha nga nḁila ine Wa ḁo takadzwa tshoṭhe nga zwithu zwe ra itela ilo duvha.

⁴ Zwino ri rabelela vhalwadze vhoṭhe na vha re na ṭhoḁea, namusi, vha re Vhuhoneni ha Mudzimu fhano, na vhuhoneni ha nṇḁu khethwa Dzau huṇwe na huṇwe u mona na shango, uri Jehovah muhulwane u ḁo dzhena nga maanḁa Awe huno a fhodza vhalwadze vhoṭhe na vha ṭhupheaho. Wana vhugala kha Dzina Lau lihulwane! Fhaṭutshedza tshiphiri tshinwe na tshinwe mbiluni, matsheloni ano, tsha idzo khumbelo dza thabelo. Ri a rabela, zwino, musi U tshi sedza fhasi ngomu mbiluni inwe na inwe huno wa vhona zwe vha vha na tsumbedzi khazwo musi vha tshi imisa tshanḁa tshavho, huno wa vha nea lutamo lwavho. Huno ri fhaṭutshedze musi ri tshi bvela phanḁa na u U luvha. Huno musi ri tshi ṭuwa tshifhaṭoni matsheloni ano huno ra ya mahayani ashu, ngavhe ri tshi kona u amba u fana na avho vho ḁaho vha tshi bva Emausi, “Naa mbilu dzashu a dzo ngo swa ngomu hashu musi A tshi amba na riṇe nḁilani?” Ri zwi humbela Dzinani la Yesu. Amene.

Ni nga dzula.

⁵ Ndi do takalela u ri ndi zwavhuḍi, matsheloni ano, u vha fhamo hafhu tshivhidzoni tsha vhathu, Vhuhoneni ha Murena. Huno ho no fhela minwedzi i si gathi tshee nda vhuya. Huno Swondaha yo fhiraho ndo ṭodou tsela fhasi, fhedzi ndi—ndi dzhia uri ho vha hu si lufuno lwa Murena. Nga inwe ndila, govha fhamo a li na mutakalo nga maanda kha nne. Zwenezwo ndi tshi dzhena govhani, a thi andani na uyu muya u re ngomu hafha, huno ndi bva vhupundu hothe-hothe. Huno ndi elekanya uri vhupundu ho ya tswititi ngomu thumbuni, huno ndo vha ndi tshi khou lwala nga maanda, ndo . . . ndi tshi tetemela, na u dzinginyea, na dziphepho. Huno ndo tou kundelwa u tsela fhasi, naho ndo vuwa huno nda lingedza u dikombetshedza u ita nga u ralo. Huno ndi—ndi a zwi divha uri ndo—ndo no . . . Govha a li na mutakalo nga maanda, huno a li na mutakalo nahone—nahone a thi tei u dzula ngomu halo.

⁶ Zwino ri ṭodou vhiga, ro no vha na tshifhinga tshi fushaho tshumeloni dza Murena, nnda u budekanya zwipida zwo fhambanaho zwa shango he Murena a ri vhidzela hone uri ri shume. Huno zwino ndo vha ndi sa khou lavhelela u amba matsheloni ano nga ha tshinwe tshithu-vho, nangwe zwo ralo Murathu Neville o ṭoda nga maanda uri—uri ndi ambe tshinwe tshithu tsha u vha fhamo na vhathu. Ngauralo ndi . . . Tshifhinga tshothe ndi wa tshilidzi nga iyo ndila, vhunga rothe ri tshi divha Murathu Neville. Huno ri funa Murathu Neville. Zwino, a hu na divha line nda sa elekanye nga hae na mufumakadzi wawe na muta, na vhana vhawe, nda vha rabelela. Mudzimu kha mu nee nungo dza u ya phanda, u bvela phanda! Vhunga ri tshi zwi divha, tshifhinga tshashu tshi khou tuwa. Ri tou vha tsini nga maanda kh- . . . la matshelo, zwi re Zwedza zwa madekwana zwa namusi. Huno ndi . . .

⁷ Muta washu u nnda Vhukovhela. Rothe ro vuwa zwavhuḍi. Huno ndo engedzea tshileme nga phaundu dza fumimbili, huno ndo xeletwa nga fumi dzadzo tshi bva tshee nda vhuya. Huno Billy Paul o engedzea tshileme nga phaundu dza fumimalo. Huno Rebekah na Sarah na Joseph, vhothe vho engedzea tshileme. A hu na zwinwe, mufumakadzi wanga ho ngo engedzea tshileme. Ngauralo—ngauralo a thi nga tei u amba izwo hafha nthu, ni a divha, ngauri ndi tea u ya hayani nga murahu ha tshifhinganyana. Ngauralo ndo . . . Fhedzi ro vha na tshifhinga tshi ma—mangadzaho, mangadzaho, huno ri a livhuwa nga maanda. Ri . . .

⁸ Zwi nga zwo vvhifha, ndo elekanya, u vhuya, fhedzi hu na tshithu tshithihi tshihulwane, zwithu zwivhili zwiulwane zwe ra balelwa u zwi wana, lune a hu na hunwe fhethu hune hu nga dzhia fhethu hazwo. Tshithu tshithihi, khonani dzashu fhamo, na tshivhidzo. A hu londwi hune ra ya, ri wana dzikhonani, huno ri a livhuwa khonani dzashu. Fhedzi hu na tshinwe tshithu nga

ha idzo khonani dze dza ni nambatela kha zwikondisi zwothe, lune a hu na ndila ya u vhea vhaimelela vha idzo khonani. A hu londwi uri hu nga vha inwe khonani-de, a hu na ndila ya u vhea muimelela wa khonani yo raloho. No tou dzheniswa ngomu havho, ni muthihi. Huno rihe, rothe, ro lavhelela U Da ha Murena, musi maduvha a tshi khou ya phanda. Huno zwi nga u konda u lingedza u elekanya uri no vha ni tshi nga . . . Ni nga si kone u fhandekanywa.

⁹ Zwi da thalukanyoni yanga zwa Luwalo lune nda tenda uri Paulo o lu nwala, huno a amba kha Vhakorinta, zwauri, “A hu na tshithu tshi re hone, a hu na tshithu tshi daho, nahone a hu na maanda, naho hu u vha fhedzi, u sika nga ndala, tsiku, kana tshinwe tshivhumbwa-vho tshi re hone, naho hu vhutshilo, kana lufu, tshine tshi nga ri fhandekanya na lufuno lwa Mudzimu lu re kha Yesu Kristo.” Na nga ndila ine lufu lwone lune na kathihi lu nga si ri fhandekanye, ngauri ri mirado rothe mbiluni dzashu, kha uvhu vhumama vuhulwane kha Iphi la Mudzimu. Huno na lufu lwone lune lu nga si ri fhandekanye. Ri do vha vathihi kha Zwa U Ya Nga Hu Sa Fheli zwiulwane, zwa zwifhinga zwothe na zwikhathi.

¹⁰ Huno zwenezwo vhana . . . Nga matsheloni, ro vha ri tshi do ya tshivhidzoni, a hu na zwinwe. Fhedzi huwe na huwe hune na ya, a hu na . . . A si thaberenakele thukhu khudani. Huno hu na tshinwe tshithu nga hazwo, ndi—ndi thahela u pfa iyo tsimbi ya kale thukhu nahone ndi . . . i tshi khou lila ngei nthu, nga matsheloni. Huno ndi elekanya uri a i khou lila nga tshino tshifhinga, ngauri a vha athu vhea tshiuludza nga nthu, tsha tsimbi.

¹¹ Huno zwenezwo u kuvhangana hafha kha Tshitarata tsha Eighth na Penn, he minwe minwaha ya furaruthanu yo fhiraho, ndo gwadama hafha lunwenweni lwa kale, u fhaa kereke yanga ya u thoma, na nga ndila ye Murena Yesu a shumisana na nhe khayi. Huno namusi yo ima sa hukhethwa hutuku fhanu. Huno tshidina na daka, zwi ima sa hukhethwa. Fhedzi fhasi mbiluni yanga, ndi hukhethwa hu no do dzula hu hone zwenezwo ndi na nyelulwo. Ndi . . .

¹² Huno tshi no ita tshivhidzo a si tshifhafo, ndi vathu vha no kuvhangana fhasi hatsho u luvha Mudzimu. Ri livhuwa izwi zwithu.

¹³ Huno zwino ndo elekanya, khamusi ngauri tshifhinga tshashu tsho vha tsho fhela, katukutuku, huno—huno ri si na tshifhinga tshinzi tsho salaho, ndi do tou nga ndi a ni vhudza nga u pfufhifhadza zwinwe zwithu zwe zwa bvelela. Huno zwenezwo ndi khou yo ita dziwe thephi musi ndi fhanu, ngauri ndo ni fulufhedzisa nothe, ni a vhone, uri mulaedza muwe muswa-vho, mulaedza wa thephi, u do thoma wa bva kha iyi pulatifomo. Fhanu ndi hune thephi dzothe dza itwa, hu si

hangei nnda. Zwino, Mukomana Jim na vhañwe vha ya huno vha rengisa dzitheiphi mutanganoni, na zwiñwe-vho, fhedzi hangei tshifhinga tshothe ndi malugana na tshiñwe tshithu tshi no bva fhano u thoma. Ni a vhona? Inwi tshekani huñwe-vho murahu, ni do zwi wana. Iyo ndi pfulufhedziso yanga kha inwi, huno i do bvela phanda nga iyo ndila u swika Murena Mudzimu a tshi zwi shandukisa.

¹⁴ Huno ndi elekanya uri zwino vhatwirengi vhashu vha theiphi, vha re u mona na shango, Mulaedza une wa bva u fhano, U phadalala na khungulu. Ni a vhona? Nnda ngomu matakani na huñwe na huñwe, U ya nga rekroda dza theiphi. Huno kha vhahedeni na vhañwe-vho, nga nyambo nnzhi, nnzhi dzo fhambanaho dzine Wa talutshedzwa ngadzo. Ngauralo ndi toda, musi ndi fhano, Murena a tshi funa, u ita dziñwe theiphi ntswa. Huno khamusi, arali mufunzi a si na tshiñwe tshithu tsho dugiselwaho ngomu mbiluni yawe madekwana a namusi, zwo luga, ndi do takalela khamusi u ita theiphi madekwana a namusi.

¹⁵ Huno zwenezwo ndi khou ya Arkansas matshelo, nahone, kana nga Lavhuvhili, kha ndi ralo, nga matsheloni a Lavhuvhili, u thusa nnda khuvhangangoni thukhu hangei na Dzangano la vhuthihi la Dzitshaka la Vhakriste. Ndi elekanya... Kana khamusi ilo a tho ngo li bula zwone. Ndi tshiñwe tshithu malugana na Dzangano la vhuthihi la Lushaka lwa Vhakriste. Zwa vhukuma a thi divhi. Ni mpfarele. Izwo zwi a shusha, a si zwone? [Mukomana u ri, “Dzangano la vhuthihi li Andanaho la Vhakriste.”—Mudz.] Ndi a ni livhuwa, muñe wanga. Dzangano la vhuthihi li Andanaho la Vhakriste. Huno ndo vha ndi tshi tea u fhedza, u bva nga Swondaha zwino, nda bvela phanda nda fhedza. Fhedzi ndo fara la namusi u itela thaberenakele, u vha ngeno. Huno zwenezwo—zwenezwo ndi do bva nga Lavhutani... Naa ndi lone, muñe wanga, ndi... Lavhutani ndi musi mi—mitangano i tshi bvala hangei. Huno ndi do lingedza u vhuya vhusiku ha Mugivhela, u vha fhano nga matsheloni a Swondaha, Murena a tshi funa. Ndi do ita inwe theiphi. Huno khamusi tshiñwe tshifhinga, na zwino, ndi todou ita theiphi dzi si gathi ri sa athu tuwa.

¹⁶ Huno zwenezwo ndi khou kombetshedza u ya Baton Rouge, Louisiana, kha iyo khuvhangano. Huno zwenezwo—huno zwenezwo nda vhuya. Huno zwenezwo ndi khou tea u ya, nga ndila dzothe, ngei Anchorage. Ni a vhona? Huno—huno u bva Fairbanks na Anchorage, u itela Vhanna vha Bindu vha Vhakriste vha Mafhungo-madifha o Dalaho, kha idzo khuvhangano. Huno zwenezwo murahu. Nahone arali Murena a tshi funa, u swika Chicago nga vhege ya u fhedzisela ya Fulwana.

¹⁷ Huno ndi tea uri zwenezwo, tsini na itsho tshifhinga, ndi do tea u gidimisela vhana ngei Arizona hafhu u vha kha... u vha

dzhenisa kha tshikolo henengei nnda. Ngauri, Charlie, ndi tea u vha fhanu tsini na la vhufumiṭhanu la Thangule. Ngauralo ndi—ndi ṭodou u vhuya nga itsho tshifhinga, Murena a tshi funa, ngei Kentucky. Muṇwe na muṇwe a tshi khou sea, khamusi vhaṇwe vha vhaswa a vha nga ḑo ḑivha zwe izwo zwa amba. Huno u tou nga u fhulufhela uri a zwi pfali zwo vhfifa zwi tshi bva kha pulatifomo, fhedzi izwo ndi musi khalaṇwaha ya zwisindi i tshi dzhena. Ngauralo, Mama Cox, ndi khou ḑitika nga zwenezwo, ni a vhona, ngauralo u itela vhege mbili henengei kha vhuawelo hanga.

18 Zwino ndi a tenda . . . Ndi na tshiṇwe tshithu hafha tshe Billy a nṇwalela tshone, dziṇwe notsi ṭhukhu. Huno iṇwe yadzo yo ri, “Khotsi, Mukomana Neville vha ṭodou ḑivha arali vha tshi nga kumedza vhana vhaṭuku vhaṇhili.” Zwa vhukuma, zwi ḑo tou vha zwavhuḑi. Huno, ee, ri na tshu—tshumelo ya u kumedza ye . . . Ri nga ḑi tou vha nayo zwino. Huno zwenezwo ndi elekanya uri ri ḑo tou nga ri dzhia miniti ya fuiṇaṭhanu i tevhelaho, kana tshiṇwe tshithu, kha u amba nga u pfufhifhadza nga ha zwiṇwe zwa zwithu zwe zwa itea.

19 Zwino, vhunzhi ha vathu na zwivhidzo, zwi uri musi ndi . . . Iyi ndi thaberenakeḑe yo vuleaho. Na kathihi a yo ngo vha dinomineisheni, huno Mudzimu o tendela uri i nga si vhe yone, na kathihi. Ngauri, ri ṭoda afha hu tshi vha fhethu hune ra sa vhe na—na mulayo nga nnda ha lufuno, hu si na ndaela nga nnda ha Kristo, hu si na bugupfarwa nga nnda ha Bivhili. Huno zwenezwo, a ri na vhuraḑo, ri na vhuṭama nga tshashu, ha vathu vhoṭhe, dinomineisheni dzoṭhe. Muthu muṇwe na muṇwe u a ṭanganedzwa huno ri na—huno ri na vhuṭama kha Ipfi la Mudzimu, hune muthu muṇwe na muṇwe a nga pfa o ṭanganedzea u ya nga hune a nga vha ngaho. Huno mulayo, ri tou funa Murena Yesu. Huno—huno a ri tshi—tshigwada tsho gudaho fhanu. Ri tou vha vathu zwavho vha no lingedza fhedzi u vhala Bivhili huno vha sa vhee ṭhalutshedzo Khayo i re nga nnda ha zwine Ya amba. Fhedzi . . .

20 Ndi tenda uri Mudzimu u ḑo haṭula shango liṇwe ḑuvha nga Bivhili. Zwino arali vha . . . U khou yo haṭula shango. Huno arali hu si na muelo wa u haṭula ngawo, naa vathu vha ḑo ḑivha hani zwine vha tea u ita? Ni a vhona? Hu ḑo vha Mudzimu . . . Inwi ni nga si nambatedze khaṭhulo mmbi kha—kha Mudzimu. Huno Mudzimu u tea u vha na tshiṇwe tshithu u itela muelo Wawe, tshine A haṭula vathu ngatsho. Ngauralo—ha arali A tshi vha haṭula nga tshivhidzo tsha Roma Kaṭolika, zwenezwo tshivhidzo tsha Gerika, Kaṭolika ya Tshiyuda, na zwinzhi zwa izwo, zwa vhukuma zwo xela, na zwiṇwe zwoṭhe zwa shango. Arali A tshi vha haṭula nga tshivhidzo tsha Kaṭolika tsha Gerika tsha Tshiyuda, huno hu si nga tshivhidzo tsha Roma, zwenezwo zwiṇwe . . . Zwenezwo tshivhidzo tsha Roma na zwiṇwe zwoṭhe zwo xela. Arali A tshi vha haṭula nga tshivhidzo tsha Luṭere,

zwenezwo Vhapuresbiterieni vho ya. Arali O vha haṭula nga Vhapuresbiterieni, Vhaḷutere na Vhabaphuthisi vho ya. Ni a vhona? Ngauralo arali A tshi vha haṭula nga Vhapentekostaḷa, zwenezwo vhoṭhe nga nṇdani ha Vhapentekostaḷa vho ya.

²¹ Fhedzi Ha nga ḑo vha haṭula nga tshinwe tshivhidzo-vho, u ya nga muhumbulo wanga, ngauri hu na phambano nṇzhisa na ṇḑaḑo nṇzhisa. Fhedzi U ḑo vha haṭula, Bivhili i ri, “U ḑo haṭula shango nga Yesu Kristo.” Zwino, izwo ndi zwa Luṇwalo. Zwino. . . Huno Bivhili yo amba, uri, “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ṇama huno a dzula vhukati hashu.” “A sa shanduki mulovha, ṇamusi, na lini na lini.” Ngauralo, Ndi ene Ipfi, huno *Ili* ndi Kristo nga tshivhumbeo tsha ḷedere. Huno kha Bugu ya Aphokhaḷipi kha Mukaṭolika, Nzumbululo kha Muporotestanti, kha ndima ya vhu²² musi iyi Bugu yo no fhedzwa, Yesu o amba, Ene muṇe, “Arali muṇwe muthu-vho a tshi ḑo dzhia Ipfi ḷithihi ḷi bvaho kha iyi Bugu, kana a engedza ipfi ḷithihi Khayo; onoyo muthihi, mukovhe wawe, u ḑo ṭuswa kha Bugu ya Vhutshilo.” Ngauralo ndi. . . Ndi tshone tshi itisaho uri ri tende izwi, huno ra dzula fhedzi kokotolo. A hu na tshithu. . . A nga ita zwithu zwe A sa zwi ṇwale hafha, ri a zwi ḑivha izwo. Fhedzi samusi ri tshi dzula fhedzi na zwe A ṇwala, izwo zwi ḑo vha zwavhuḑi.

²² Huno zwino kha u kumedziwa ha vhana, vhunzhi ha vhathu, Vhamethodisi vha a vha shasha. Huno—huno ndi elekanya uri vha na tshilalelo tshavho tsha u thoma tshivhidzoni tsha Kaṭolika, kana tsha Luṭere, lu no ṭoḑa u swika minwaha ya fumimbili nga vhukale, nahone tshi no nga tshu—tshumelo ya ndovhedzo musi vha tshi bebiwa. Ndi—ndi elekanya uri vhushe vhu a shashiwa. Huno—huno ndi elekanya uri izwo zwo paḑukanya Nazarini kha Methodisi, minwaha minzhi yo fhiraho, kha ndovhedzo ya lutshetshe. Ndi elekanya uri izwo ndi zwone, Mukomana Brown. Ndi—ndi—ndi tenda uri izwo zwo vha zwe zwa paḑukanya tshivhidzo tsha Methodisi na Nazarini, ngauri vha Nazarini a vho ngo ṭanganedza ndovhedzo ya lutshetshe. Fhedzi kha riṇe, hafha kha thaberenakeḷe, arali ri tshi khou yo dzula na zwe Bivhili ya amba, a hu na fhethu Bivhilini he vha vhuya vha shasha muṇwe muthu, ri sa ambi lushie, naho hu mualuwa. Fhedzi vho. . . Bivhili i ri, fhethu fhedzi ha Bivhili yashu kha vhana, “Vho ḑisa vhutshetshe kha Yesu, huno Ene. . . uri A kone u vhea zwanda Zwawe khaho huno a vhu fhaṭutshedza.” Huno O ri, “Litshani vhana vhaṭuku u ḑa kha Nṇe, huno ni songo vha dzivhisa, ngauri vho raloho ndi vha Muvhuso wa Ṭaḑulu.”

²³ Zwino, ngauralo-ha, ri a zwi ḑivha uri ri zwanda zwi shayaho, mufunzi na nṇe, kana muṇwe mufunzi-vho, u dzhia zwanda zwa Murena Yesu. Huno arali O vha e fhano matsheloni ano, avha vhabebe vho vha vha tshi ḑo ḑisa ulwo lushie kha

Kristo. Fhedzi ngauri ri fhanu nga u Mu imela, uri ri a Mu imela, vha ḑisa vhana kha riṇe. Huno ri vha kumedzela kha Murena, nga u vhea zwanda zwashu khavho, nga u elelwa Ipfi Lawe lihulwane na nyito Yawe. Ngauralo iyo ndi ndila ine ra kumedza vhaṭuku.

²⁴ Ndo elekanya uri khamusi muṇwe mme a nga ḑi vha fhanu na lushie lwawe lune lwa vha uri a lu athu kumedzwa kha Murena na kathihi, uri a nga ḑi ṭoda u ḑa na avha vhomme kana vhokhotsi vha no ḑo vha vha tshi khou kumedza vhana vhavho. Ri tou vha ḑisa ngeno nṯha huno ra vha kumedzela kha Mudzimu, huno ra vha rabelela, huno ra vhudza Murena uri ri vhea zwanda zwashu khavho, na—na ndila ya tshiimela ya Yawe. Huno izwo zwi tsini na Luṇwalo vhunga zwe nda vhuya nda wana. Zwino, inwi ni nga ḑi wana bugupfarwa yaṇu nṇḑa huno na wana tshiṇwe tshithu tshe tshiṇwe tshigwada tsha munna tsha amba, fhedzi ndi khou amba zwe Ipfi la amba, ni a vhona. Zwino ndi elekanya uri ndo zwi ita uri zwi pfale vhukuma, vhukuma zwine zwa vha zwone.

²⁵ Zwino arali mutambi wa piano (Naa ni mutambi wa piano, mukomana?) a tshi ḑo ḑa ngeno nṯha. Naa izwo a zwi shushi, tshivhidzoni tshanga, u vhudzisa, “Naa ndi nnyi a re mutambi wa piano?” Ndo ṭodou omba-omba kaṭukuṭuku kha vothi. Zwo luga. Vha imba ulu luimbo luṭuku, kana vha a lu lidza.

Vha dzheniseni, vha dzheniseni,
Ḑisani vhaṭuku kha Yesu.

²⁶ Huno musi tshivhidzo tshi tshi imba ulu, kha ri ime nga milenzhe yashu. Huno vhomme na vhokhotsi vha no khou ḑisa vhaṭuku vhavho, kha vha ḑe zwino huno vha ime. Zwo luga.

Vha dzheniseni, vha dzheniseni,
Ḑisani vhaṭuku kha Yesu.

Zwino, mufunzi. . . Zwino ri na muthu muṭuku—muṭuku fhanu o eḑelaho. Huno nga tshiṇwe tshifhinga vha ita “amene” lu pfalesaho zwiṭuku, ngauralo izwo ri a zwi pfesesa, ndi vhone vhushe. Naa dzina laṇu ndi nnyi, muṇe wanga? William Henry Vincent. Huno musidzanyana waṇu? Christina Maria Vincent. Ndi muthu muṭuku wavhuḑi-ḑe a re kha—kha shada la khotsi awe. Naa ndi nga vha nae? Christina, ndi nga si vhe muimela wa khotsi aṇu hafha, ni a vhona. Kha ri. . . Ni ḑo vhea zwanda zwaṇu kha lushie.

Kha ri kotamise zwifhaṭuwo zwashu.

Khotsi ashu wa Ṭaḑulu, ri khou sendela Khulunoni Yau, iyo namusi, nṯha nga phanda, lutendo lwashu lu ri takulela nga phanda ha ṇwedzi, dzinaledzi, nga phanda ha sisteme ya ḑuvha, ngomu Vhuhoneni ha Ramaandaoṯhe. Ri ḑisa uyu ṇwana muṭuku wavhuḑi. A ri ḑivhi tshe ra fara zwandani zwashu, Murena. Hu nga ḑi vha mulanda muhulwane kha Iwe, kha maḑuvha a ḑaho. Ri fulufhela uri zwo ralo. Fhedzi khotsi a ṇwana vho ḑisa

mutuku kha riṇe, uri ri kone u vhea zwanḁa zwashu khae. Izwo, ro bula uri ri vhalanda Vhau vha u ita fhethu Hau u swika U tshi vhuya, zwenezwo Wa dzhia ndango ya zwithu zwoṭhe. U swika zwenezwo, Murena, ri tea u U shumela nga ngoho na vhufufhedzei.

Huno zwanḁa zwashu zwo vheva kha uyu musidzanyana, ri a mu fhaṭutshedza nga Dzina ḁa Murena Yesu Kristo. Ri fulufhela uri U ḁo mu ṇea vhutshilo vhulapfu, arali Yesu a tshi lenga, huno ngavhe a tshi vha mulanda muhulwane kha Iwe. Fhaṭutshedza haya hune a ḁo alutshela khaho. Ngavhe a tshi aluswa nga u kwengweledzelwa zwa Mudzimu, huno a Mu shumela maḁuvha oṭhe a vhutshilo hawe. Fhaṭutshedza vhabebi vhawe, huno ngavhe vha tshi tshila vha vhona uyu ṇwana a tshi vha mudzio u huliseaho kha Murena, nga ṇṭhani ha nyito yavho ṇamusi, Dzinani ḁa Yesu Kristo. Amene.

Mudzimu a ni fhaṭutshedze.

Mudzimu a ni fhaṭutshedze, muṇe wanga. Dzina ḁawe ndi . . . [Khaladzi u amba na Mukomana Branham—Mudz.] Uyu ndi Khaladzi Tabet, Teresa. A thi tou ḁivha uri kana ri khou yo kona u takula Teresa, kana hai. A thi elekanyi nga u ralo. U ḁivha zwituku zwo engedzeaho.

Zwo luga, kha ri kotamise zwifhaṭuwo zwashu.

Khotsi ashu wa Ṭaḁulu, musi ri tshi vhea zwanḁa zwashu kha khaladzi a uyu mutuku ane a kha ḁi bvou kumedzelwa kha Iwe, vhabebi vha ṭoḁa uyu mutuku a tshi kumedzwa, na ene. Ngavhe tshilidzi tsha Murena Yesu Kristo tshi tshi vha kha uyu ṇwana, huno tsha mu ṇea vhutshilo vhulapfu, vhutshilo ho fhaṭutshedzwaho ha tshumelo kha Iwe, nga Dzina ḁa Yesu Kristo. Amene.

Mudzimu a ni fhaṭutshedze zwino, a ni fhaṭutshedze noṭhe. Ni vhabebi vha re na mashudu nga maanda, matsheloni ano, u vha na avho vhatu vhavhili vhavhuḁi vhaṭuku.

Dzina ḁawe? [Khotsi vha ri, “Joe William Cartwright.”—Mudz.] Joe William Cartwright. U khou dzhia khofhe dza nga masiari matsheloni ano, ndi a elekanya. Zwo luga. Zwino, arali inwi—inwi noṭhe. . . Zwo luga, ni nga mu takula arali inwi—arali inwi ni tshi nga ralo, mufumakadzi. Izwo ndi zwavhuḁi. Joseph, ḁani ngeno ṇṭha. Zwo luga. Huno ni nga mu takula arali ni tshi tama u ralo.

Khotsi ashu wa Ṭaḁulu, ri ḁisa kha Iwe, uyu Joseph William Cartwright mutuku. Khotsi vho ima, matsheloni ano, u ṇekedza murahu kha Iwe uyo we Iwe wa mu ṇekedza ene, kha vhutshilo ha tshumelo. Mudzimu, fhaṭutshedza mutuku, huno ngavhe a tshi tshila vhutshilo vhulapfu, ha mutakalo, ho khwaṭhaho, huno a vha mulanda muhulwane kha Iwe. Fhaṭutshedza khotsi na mme awe, haya hune a ḁo aluswa khaho. Ngavhe Kristo a tshi vha uyo Mueni a sa vhonwi nga zwifhinga zwoṭhe. Huno

ri ñekedza uyu mutukanyana kha Iwe, u itela vhutshilo ha tshumelo, Dzinani la Yesu Kristo. Amene.

A ni fhaṭutshedze, Mukomana Steve Cartwright.

Musidzanyana? [Khaladzi muṭuku u ri, “Ee, muṇe wanga.”—Mudz.] Mufumakadzi? [“Pam Lewski.”] Sylvia Shippy.

Khotsi ashu wa Ṭaḍulu, ri khou vhea zwanḁa zwashu kha uyu musidzanyana, musi mufunwa a tshi mu ḁisa ngeno matsheloni ano, o ima kha aḁitari. Ngavhe phaṭutshedzo dzi no ḁo ḁa khae, arali Murena Yesu o vhea zwanḁa Zwa Ene muṇe zwa mavhadzi a zwibigiri kha uyu ṇwana, ngavhe idzo phaṭutshedzo dzi tshi vha kha muṭuku. Mu fhaṭutshedze zwino, huno ngavhe a tshi tshila vhutshilo vhulapfu, ha dakalo, huno a vha mulanda kha Iwe. Huno fhaṭutshedza haya hawe, vhabebe vhawe, vhafunwa vhawe. Nga Dzina la Yesu Kristo ri ita iyi nyito, u ya nga Bivhili. Amene.

U khou ni fhaṭutshedza . . . ? . . . U a ni fhaṭutshedza . . . ? . . .

U khou yo vha muimbi. Naa dzina ndi lifhio? [Mukomana u ri, “Roy Allen Myer.”—Mudz.] Roy Allen Myer. Ndo ri, u khou yo vha muimbi.

Zwi a nkhubudza. Ndi a fhulufhela uri izwi a zwi pfali zwo vhfifa, tshivhidzoni, fhedzi linwe ḁuvha ndo vha ndi tshi khou amba na Muindia. O vha e na lushie luṭuku o ima henefho, huno nda ri nga itsho tshifhinga, “Ndi muthu wavhuḁi. Huno ndi muthu wavhuḁi.”

Huno khosi ya ntsedza, miniti i si gathi. Zwenezwo a sedza fhasi, a ri, “Fhedzi, wa tshinnani, wa tshisadzini.”

Ndi a humbulela, iyo ndi ṇḁila ine zwa kha ḁi vha ngayo.

Naa la mutukana ndi lifhio . . . [Mukomana u ri, “Roy Allen.”—Mudz.] Roy Allen. Allen ndi dzina laṇu la u fhedza? [“Myer.”] Myer. [“Roy Allen Myer.”] Roy Allen Myer. Ndi tshithu tshiṭuku tsho nakaho.

Khotsi ashu wa Ṭaḍulu, musi ri tshi vhea zwanḁa zwashu kha uyu ṇwana muṭuku, huno Bivhilini vho ri vho ḁisa vhutshetshe vhuṭuku kha Iwe, huno Iwe wa vhea zwanḁa Zwau khavho huno wa vha fhaṭutshedza. Huno iyo ndi nyito ine ra i ita ri tshi elelwa nyito khulwane Yau kha lifhasi. Fhaṭutshedza uyu ṇwana, vhabebe vhawe. Ngavhe haya hu tshi vha fhethu hu sa fhidzi ha tshabelo, mulalo. Huno ngavhe musidzanyana a tshi tshila vhutshilo vhulapfu, ha dakalo huno a vha mulanda Wau maḁuvha ayo oṭhe. Huno ngavhe uyu muṭa u sa fhandekani. Vhugalani, ngavhe muraḁo muṇwe na muṇwe u tshi kuvhangana u mona na Khuluṇoni khulwane ya Mudzimu, nga ilo ḁuvha, huno a ya u tshila lwa lini na lini. U swika zwenezwo, Murena, ngavhe phaṭutshedzo Dzau dza U Ya Nga Hu Sa Fheli dzi tshi vha kha ṇwana, ane ra mu fhaṭutshedza Dzinani la Yesu. Amene! . . . ? . . .

Uyu mutuku . . . Uyo ndi murathu wawe mutuku, Rebekah.

Khotsi ashu wa Taḍulu, ri vhea zwanda zwashu kha Rebekah mutuku huno ra mu fhaṭutshedza, na ene, nga Dzina la Murena Yesu, u tou nga o vha a tshi khou ya maḍini, dzivhani. Huno ndi a fulufhela, Murena, uri ḍuvha li ḍo ḍa musi a tshi vha o aluwaho, vhuḍifhinduleli, line la ḍo mu ita uri a ime, huno a tsele afho fhasi dzivhani henefho, huno a lovhedzwa u itela khangwelo ya zwivhi zwawe, nga Dzina la Murena Yesu. Zwi tendele, Khotsi. Zwino mu fhaṭutshedze, na murathu wawe mutuku. Ngavhe a tshi tshila vhutshilo vhulapfu, ha dakalo, huno a U shumela. Amene.

Mu fhaṭutshedze. Murena a ni fhaṭutshedze.

Uyu ndi ene? [Mme vha ri, “Uyu ndi Jacqueline Grenault.”—Mudz.] Jacqueline Grenault mutuku, muṁwe musidzanyana, wavhuḍi.

Khotsi ashu wa Taḍulu, ri vhea zwanda zwashu kha musidzanyana. Kha u elelwa ha Murena Yesu muhulwane, We a vhea zwanda Zwawe kha vhutshetshe huno a vhu fhaṭutshedza. Huno ngavhe phaṭutshedzo i tshi ḍa kha ṁwana, vhunga zwanda Zwa Iwe muṁe zwo vha zwi khae, ṁamusi. Arali Wo vha u fhanu kha lifhasi, nga muvhili wa ṁama, mme vho vha vha tshi ḍo ḍisa ṁwana kha Iwe. Fhedzi vhunga riṁe, vhunga muimeli Wau, u ḍa u vha wa vhuvhili, zwenezwo, Khotsi. Huno ri humbela uri U ḍo fhaṭutshedza uyu ṁwana, ane ra fhaṭutshedza. Nga Dzina la Yesu Kristo, ngavhe a tshi tshila vhutshilo vhulapfu, ha dakalo ngomu tshumeloni Yau. Fhaṭutshedza haya hawe hune a ḍo aluselwa hone, ngavhe i tshi vha ṁṁu i sa fhidzi ya thabelo, Dzinani la Yesu. Amene. A ni fhaṭutshedze.

Inwi ni na vhuvhili havho? [Khaladzi u ri, “Ndi na vhasidzana vhavhili, a thi athu vha kumedza . . . ? . . .”—Mudz.] Zwo luga. Zwino, uyu mutukanyana ndi . . . [“James David.”] James David. [“Humes.”] Humes. Ndo elekanya uri ndi a ni ḍivha, Khaladzi Humes. Ni mufunziruṁwa, inwi na munna waṁu. Naa munna waṁu u na inwi, matsheloni ano? Zwo luga, Murena a fhaṭutshedze Mukomana Humes. Ndi ri, inwi ngoho ni na vhana vhavhuḍi, vha takadzaho vhaṭuku. Uyu ndi David? Huno uyu ndi . . . [“James David. Uyu ndi Joseph Benjamin. Musi ro vha ri ngei Florida . . . ? . . .”] Ndo vha ndi tshi khou tou amba na khaladzi a bvaho Florida, vhugudeloni, matsheloni ano. Uyu mutukanyana, musi o vha e . . . Vha bva Florida, musi vho vha vhe henengei, mutukanyana, a tshi tou vha mutukana, mutukuṭuku, muthu mutuku a dzhena dzharaṭani ya nga murahu, huno a sedza nṯha. A amba zwaui o vhone Yesu.

Zwino, kha David Humes mutuku. Ri vhea zwanda zwashu khae, kha u kumedziwa ha vhutshilo kha tshumelo kha Yesu Kristo. Isa phanda na phaṭutshedzo Dzau kha haya hawe, Murena. Huno ita khotsi na mme awe, Murena, uri vha khwaṭhe

nahone vha vhe na mutakalo, u isa phanda na mushumo we Wa vha vhidzela u u ita sa vhafunzirurwa tsimuni. Huno zwino ngavhe David mutuku a tshi tshila vhutshilo vhulapfu, ha dakalo ha tshumelo ya Yesu Kristo. Ri humbela izwi, Dzinani la Yesu. Amene.

Huno kha murathu wawe mutuku, Joseph, Oo Mudzimu, a tshi kha di vha mutukana huno a sedza lutomboni huno a vhona tshivhumbeo tsha Murena Yesu. Ngavhe phaṭhutshedzo dza Mudzimu dzi tshi da kha uyu mutukanyana ane ra mu kumedzela tshumelo kha Yesu Kristo, matsheloni ano. Huno ngavhe Muya Mukhethwa muhulwane Wau u tshi ranga phanda uyu nwana, Murena. Khamusi huṅwe fhethu vhutshiloni, arali hu na la matshelo, Iwe. . . U do isa phanda na Mafhungo-maḍifha ane ra lingedza nga tshivhindi nga maanda—nga maanda u a imela namusi. Mu fhaṭutshedze, Khotsi, ane ra mu fhaṭutshedza nga Dzina Lau. Amene.

A ni fhaṭutshedze. Mudzimu a ni fhaṭutshedze. [Nwana u ri, “Fhasi ha ula muri ndi he nda vhona Yesu.”—Mudz.] Yesu o ima fhasi ha muri, zwe a . . . ? . . .

Zwo ralo, ndi tea u divha uyu mutannga. [Mukomana u ri, “Stanley.”—Mudz.] Ee, muṅe wanga. Ni vuwa hani? A thi koni u humbula dzina lawe, nangwe. Danny Eugene Spaulding. Zwo ralo, ndi fhulufhela uri ni tevhele mitsindo ya khotsi, u bva ni tshee mutukanyana. Uyu mutukanyana, avha vathu vha da ngeno thaberenakeleni, vha sa fhidzi. Huno lwa u thoma lwe nda mu vhona u bva tshee a . . . ndi a humbulela, lwa u thoma lwe nda vhuya nda mu vhona. [Mukomana u ri, “U swika hune nda divha.”] Ee, ndi lwa u thoma lwe nda vhuya nda mu vhona.

Khotsi wa Taḍulu, ri diṣa kha iwe lushie luṭuku matsheloni ano lwo vhwaho kha ndondolo ya uyu muṭa wa Tshikriste fhasi ha u funzwa nga avha khotsi na mme vha Vhakriste. Ri a livhuwa u vhona vhaṭuku vho bebelwa hayani ho raloho, Murena, ngauri ri tenda uri vha do aluswa nga u kwengweledzelwa kha zwa Mudzimu. Ndi vhea zwanda zwanga khae, na mufunzi, nga Dzina la Yesu Kristo. Ngavhe lushie lu tshi tshila huno lwa khwaṭha huno lwa vha na mutakalo nahone lwa vha mulanda kha Iwe maḍuvha oṭhe a vhutshilo halwo. Izwi ri a zwi humbela, Dzinani la Yesu Kristo. Amene.

Murena a ni fhaṭutshedze, Stanley. [Khaladzi Spaulding u amba na Mukomana Branham—Mudz.] Izwo zwo da nga thabelo zwauri na ene a swike-vho. Izwo ndi zwavhuḍi nga maanda.

Ene. . . Robert Douglas Samples. Muṅwe mutukanyana wavhuḍi, wa maṭo a buḽuu.

Khotsi wa Taḍulu, ri diṣa kha iwe uyu mutukanyana wa maṭo a buḽuu matsheloni ano musi o ima kha aliṭari he mimuya ya bebiwa hafhu lwa minwaha yo fhiraho ya furaru. Ngavhe u tshi mu ṭangedza, Murena, matsheloni ano, musi ri tshi vhea

zwanda zwashu khae huno ra mu kumedzela kha Muvhuso wa Mudzimu na kha tshumelo na kha vhu—vhutshilo ha mutakalo na nungo. Nga Dzina la Yesu Kristo ri ita izwi. Amene.

Ndi a ni fhatutshedza, muthu mutuku.

U ni nea...a—a tho zwi divha, Jimmy, ho vha hu inwi o imaho hafha. Nnenne, huno vho ita kha...Muṭa waṇu mutuku u khou aluwa. Zwavhudi nga maanda. Zwino, lawe ndi lifhio...Shawn Patrick Poole. Makhulu vha mukalaha vha uyu mutukanyana na nne ro vha khonani dza vhutshilo vhulapfu, u bva tshee ra vha ri vhatukanyana tshikoloni. Ro vha ri si vhahulu nga maanda u fhira hafha musi ri tshi tangana. Kha ri kotamise zwifhatuwo zwashu.

Khotsi wa Taḍulu, khamusi kha minwaha i no ṭodou swika fuiṇa yo fhiraho, ndo ima munangoni wa tshikolo hafha nṭha kha Utica Pike, ndo vhuya nda zwi divha uri uyo mutukanyana, riṇe, nga ṭhoni, ro sedzana, uri liṇwe divha ndi ḑo vhea tshanda tshanga kha uyu muḑuhulu wawe, nda mu kumedzela kha Murena Mudzimu wa Taḍulu. Tanganedza uyu Shawn mutuku, matsheloni ano, Murena, sa mulanda kha Iwe. Mme na khotsi vha mu ḑisa nga tshivhindi, u nekedza murahu kha Mudzimu tshe tsha nekedzelwa kha ndondolo yavho. Ngavhe vha tshi tshila vhutshilo ho khwaṭhaho ha mutakalo na nungo, na u ḑiimisela, kha Kristo. Zwino ri U nea uyu mutukanyana, nga Dzina la Yesu Kristo, sa vhutshilo ha tshumelo. Ngavhe a tshi tshila tshifhinga tshilapfu, huno a U shumela.

Naa musidzanyana o kumedziwa? Naa dzina lawe ndi lifhio? Karla.

Ngauralo-vho, kha Karla mutuku, ri vhea zwanda zwashu, matsheloni ano, huno ra mu kumedzela kha tshumelo ya Yesu Kristo. Mudzimu, mu fhatutshedze. Ngavhe a tshi tshila vhutshilo vhulapfu, ha dakalo. Ngavhe a tshi vha mulanda kha Iwe, maḑuvha oṭhe a uvhu vhutshilo. Zwi tendele, Murena. Fhatutshedza haya hawe. Kha hu vhe fhethu ha thabelo na lutendo tshifhinga tshoṭhe. Ndi U nea uyu musidzanyana wavhudi, matsheloni ano, a bvaho mbiluni dza khotsi na mme vho imaho kha iyi alitari ṭhukhu, nga Dzina la Yesu Kristo. Amene.

[Khotsi u ri, “Dzina lawe ndi James Pool.”—Mudz.] Mutukanyana. O dzhia dzina la Jim. [“Ee.”]

Khotsi ashu wa Taḍulu, khotsi a avha vhatuku o takula zwino zwandani zwawe lupfumo lutuku lwa u fhedza lwe Wa mu nea lwone nga tshivhumbeo tsha nṭwana, o rinwaho zwi tshi bva ha khotsi awe, James. Mudzimu, tendela uri u ḑo vha munna wa vhuṭali u fana na James nahone Bivhilini. Ndi rabela uri U ḑo mu nea vhutshilo vhulapfu, ha mutakalo, Murena. Huno ngavhe a tshi aluwa, huno arali hu na la matshelo, kha hwale Ipfi la Mudzimu. Zwi tendele, Khotsi. U elelwa ha zwe Yesu Kristo

Murena washu a ita musi O vha e kha lifhasi, ndi vhea zwanda zwanga kha James Pool mutuku huno nda mu kumedzela kha tshumelo ya Mudzimu. Nga Dzina la Yesu Kristo. Amene.

Ndi a ni fhatutshedza, James! Ndi fhatutshedza mutuku!

Mutukanyana; vhuvhili havho zwino. Naa ni ri mini? Jerry Dean Allen.

Murena Mudzimu, kha thoho ya uyu mutukanyana, Jerry Dean Allen, ngavhe phatutshedzo dza Yesu Kristo dzi tshi vha khayo. Musi ri tshi vhea zwanda zwashu khae, musi ri tshi kumedza uvhu vhutshilo vhuswa kha Iwe. Fhatutshedza haya hawe, vhabebi vhawe. Huno ngavhe a tshi tshila vhutshilo vhulapfu, ha dakalo ha tshumelo kha Mudzimu washu na Mudzimu wawe, Ane ra mu nekedza khae zwino, nga Dzina la Yesu Kristo. Amene.

Ndi a ni fhatutshedza, mutuku!

²⁷ Zwino, ndi elekanya uri izwo zwi toḡou—toḡou ita izwi zwino. Zwino ri tou vha kokotolo kha tshifhinga, nga awara ya fuminthihi nṱha ha tshithoma. Zwino, ni a divha, ndi a kona u tou humbulela, ndi tshi vhona avho vhomme vha tshi khou ḡa, na vkhokhotsi, vhe na uvho vhushie, ndo kona u elekanya nga ha Yosefa na Maria, nga matsheloni a u kumedziwa ha Murena Yesu.

²⁸ Mukomana Kidd, ndo vha ndi na muvhudzisano mutuku na muṱwe muthu ofisini, fhedzi ndo—ndo pfa nyanyuwo yaṅu matsheloni ano ngeno nṅḡa, ha—ha munna wa vhukale haṅu. Huno ndi dzhia uri no vha ni tshi khou amba nga ha uri Murena o ni fhodza hani nṅḡa . . . vthathetshelesi. Huno nga kaṱukutuku ndo toḡou kherukanya moḡoro wanga, nga maṱwe matsheloni, u swika kha mualuwa . . . Ndi mushumeli o aluwaho.

²⁹ Itonu elekanya, uyu munna o vha e, mufumakadzi mutuku wawe hafha, o vha a tshi khou rera Mafhungo-maḡifha ndi sa athu bebwa. A tshi khou rera aya Mafhungo-maḡifha, nṱha nga murahu ha dzithavha na magovha a Kentucky na Tennessee, na vhabwi vha malasha, nahone a tshi gidimedzwa. Huno vha tshila vha si na tshiṅwe tshithu-vho tsha u la. Huno uyu mufumakadzi mutuku hafha, a tshi khou ṱanzwa nṱha ha bodo ya u ṱanzwela, u itela u wana sente dzi no toḡou swika fumbili kana furaru nga ḡuvha, u rumela munna wawe tsimuni u rera Mafhungo-maḡifha. Izwo zwo eḡana u ita uri muthu a nyanyulee, a si zwone?

³⁰ Huno zwenezwo u elekanya, uri heneḡho o lala, musi ene-ene wa khwinesa kha madokotela o ri, “U khou fa. Pfuko ya thanga ya tshinnani yawe, hoṱhe khae. A nga si tshile nga nṅḡa ha awara dza tshivhalo fhedzi, nahone nga maanḡa ḡuvha kana mavhili.” Huno ho no vha miṅwaha mivhili kana miraru yo fhiraho, miṅwaha miraru yo fhiraho. Huno ngoyu hafha, matsheloni aya, e na mutakalo, o takala, a tshi khou ṱea

Mudzimu vhugala. Zwenezwo no vha ni wa vhukale hani musi ni tshi fhodzwa, Mukomana Kidd? Vhukale ho vha hu vhufhio musi Mudzimu. . . Naa ni wa vhukale hani, ene u zwenezwo zwino? [Khaladzi u ri, “Fumalombili.”—Mudz.] Fumalo- . . . [“Fumaloraru nga Thangule.”] Zwo luga. O vha a tshi toḑou vha na miṅwaha ya fumalo nga vhukale musi Mudzimu a tshi mu fhodza. Zwino Mudzimu u a ri londa riṅe vhatu vho aluwaho? Ngoho, U a ita. Ee, muṅe wanga!

³¹ O fhodza Abrahamu musi o vha e na miṅwaha ya ḑana nga vhukale, na Sarah musi o vha e na ya fuṭahe. Huno vho bveledza Ishmaele, kana, pfarelo, Isaka. Naa izwo ndi zwone? Ri a zwi takalela nga maṅḑa izwi.

³² Zwino ni a takadzaho nga maṅḑa, ndi nga amba na vhoiṅwi nga matsheloni oṭhe u tou fana na izwi. Fhedzi kha ri tou vhala zwiṅwe zwa Ipfi ḑa vhuṭhogwa huno zwenezwo ri dzhene heneḑho tshumeloni. Zwino, ndi a elekanya, arali hu tshi ḑo vha lufuno lwa Mudzimu, ndi ḑo takalela u nga ndi a ni vhudza nga u pfufhifhadza zwithu zwe zwa bvelela. Huno zwenezwo madekwana a ṅamusi, arali Murena a tshi funa, ndi toḑou amba nga ha ṭho—ṭhoho. Ndi toḑou i theipha, nga maṅḑa, u ya nṅḑa. Naa . . . Huno arali ni tshi toḑa u ḑa huno na thetshelesa, zwo luga. Nga murahu ha musi mufunzi a tshi fhedza mulaedza wawe, zwenezwo ndi ḑo vha na wanga . . . Ndi ḑo ita iyi theiphi. Ndi toḑou i rera nga ha *Tshedza Tshitswuku Tshi Taidzaho Tsha U Ḑa Hawe*. Nga ṅḑila ine huṅwe ha u taidza ha vha kha riṅe zwa zwino! Huno ndi toḑa u amba nga ha izwo madekwana a ṅamusi, tshedza tshitswuku tshi taidzaho Tshawe. U fhano, u heneḑho kha tshanḑa tsha u ḑa zwa zwino. Tshi—tshiga fhasi, tshidimela tshi bulokoni.

³³ Numeri, ndima ya vhu16, kha vhoiṅwi vha no ḑo fhenḑa na vhala. Iḑi ndi Ipfi ḑa U Ya Nga Hu Sa Fheli, ngauralo kha ri vhale nga khuliso. Ndi toḑou vhala ndimana mbili dza Numeri 16, ndimana ya 3 na ya 4, u wana zwa nga murahu zwiṭuku nga ha zwine nda toḑou amba.

³⁴ Huno zwino, arali theiphi dzi songo fungiwa, ndi tama vha tshi dzi funga zwino. Kana ni dzi vhekanye uri itshi tshipiḑa hafha tshi kone u rumelwa nṅḑa. Idzi dzi khou ya nṅḑa. Arali ni tshi toḑa u ralo, ni nga vhekanya theiphi dzaṅu ngomu heneḑho kha hune itshi tshipiḑa hafha tsha ḑo fhandekana na zwiṅwe zwoṭhe zwa tshumelo? Ni a vhona, itshi ndi tshi—tshithu tshiswa. Zwino, arali ni tshi nga tshi thivhela henehafha, kana tshiṅwe na tshiṅwe tshine na ita, zwo luga, zwenezwo ri ḑo . . . Naa ni ḑo takalela ṅṅe ndi tshi i tumula lwa muthethe, zwenezwo nda dovha nda i funga, uri i ni ṅee buloko ya u ḑivha uri ni tea u i thoma ngafhi, kana ni nga thoma heneḑho nga iṅwe ṅḑila? Ni thoma nga iṅwe ṅḑila? Zwo luga. Izwo ndi zwavhuḑi.

³⁵ Zwino ri khou yo vhala Numeri 16:3 na 4.

Huno vha kuvhangana u lwa na Mushe na u lwa na Aroni, huno vha ri khavho, Ni dzhiesa zwinzhisa kha vhoiwi, hu uri tshivhidzo tshothe ndi tshikhethwa, munwe na munwe wavho, huno MURENA u vhukati havho: ngauralo-ha zwenezwo ni dhihudzelani u fhira tshivhidzo tsha MURENA?

Huno musi Mushe a tshi zwi pfa, a wa nga tshifhatuwo tshawe:

³⁶ Khotsi ashu wa Taḍulu, fhatutshedza aya Maipfi a si gathi. “Huno ngavhe u elekanya ha mbilu yashu, na mitshelo ya milomo yashu, zwi tshi tangananedzea maḱoni Au.” Dzinani la Yesu ri a rabela. Amene.

³⁷ Ndi ṭoḁa u—u dzhia ulu sa liṇwalwa, kha zwine nda tama u zwi amba matsheloni ano: *U Ima Vhukati*.

³⁸ Nga ha tshifhinga itshi tshine ra khou amba nga hatsho, kana u vhalu, a hu na zwiṇwe, ri a pfesesa rothe uri ho vha hu musi Dathani na—na Kora vho dzhia tsheo ya uri—uri vha ḁo dzhenelela kha nda—ndaela ye Mudzimu a i ṇea Mushe, a tshi ri, “Wo tea u tendela tshivhidzo tshothe u ita *tshino-na-tshila*. Vhothe ndi vhakhethwa.” Huno Mudzimu o laya Mushe u ranga phanda vhatu u ya shangoni lo fulufhedziswaho. Huno vho ri, “Ni dihwesa u ita zwinzhisa. Inwi, ni tshi khou lingedza u ḁiita inwi fhedzi kha tshivhalonyana tshine—tshine tsha vha na u amba-vho nga u ralo.”

³⁹ Huno izwi zwo dina Mudzimu nga maanda u swika A tshi vhudza Mushe, “Difhandekanye navho. Ndi—Ndi ḁo tou—Ndi ḁo tou vhalaha tshivhalonyana tshothe, huno nda thoma murafho muswa na iwe.” Huno Mushe a wa Vhuhoneni ha Mudzimu huno a ri U ḁo tea u ḁa khae. Ni a vhona?

⁴⁰ Zwino, ṇamusi, arali Mudzimu o vha a tshi khou yo lozwa vhatu, huno ho vha hu na tshifhinga tshe Mudzimu a vha o no neta nga u tamba nga tshivhi tshashu, riṇe ri tshi khakha ri sa fhidzi, ndi nnyi we a vha a tshi ḁo ima u fana na Mushe, ṇamusi, a tshi itela vhatu? Naa ndi ngafhi he ra vha ri tshi ḁo wana muthu a no ḁo ima, kana we a vha a tshi nga ima, we Mudzimu a vha a tshi ḁo mu tangananedza u fana na zwe A ita Mushe? Huno vhutshilo ha Mushe ene muṇe kha liḁhasi ho amba zwinzhi nga maanda kha Mudzimu u swika vhu tshi dzikisa mbiti dza Mudzimu, huno Mudzimu o vha a si nga pfuki Mushe. Izwo tshifhinga tshothe zwo vha zwi khanganyiso kha ṇṇe u swika ndi. . . Liṇwe ḁuvha, nga nzumbululo ya Luṇwalo, uyu muhumbulo wo ṇḁela. Uyo, ni a vhona, Mushe, nga nyito, nga ṇḁila dzothe o vha a muimela. O vha e tshifanyiso tsha Yesu Kristo.

⁴¹ Huno musi Mudzimu o vha a tshi khou yo dzhia vhutshilo ha shango lothe, huno a vhu tshinyadza, na vhaitazwivhi vhothe, huno vha hatulelwa u fa, Kristo o ri fela rothe. Huno Mudzimu

o kundelwa u pfuka Kristo, e Murwa Wa Ene muṇe. Huno zwenezwo Yesu o Dṇekedza nga fhedzi, uri A kone u badela ṇḍila zwenezwo arali. . . Mushe o vha a si nga koni u ita hezwo. Mushe o vha a si na malofha nga ṇḍa ha malofha a muthu, u fana na zwine ra vha zwone. Ngauralo, ngauralo-ha, malofha awe o vha a si nga, o vha a si nga eḍani. Fhedzi Yesu e Malofha a Mudzimu Ene muṇe, Malofha a Mudzimu a sikaho, Mudzimu o tou farela lushaka lwoṭhe lwa vhathu tshifhingani itsho, tshivhi, ngauri tshoṭhe tsho vha tsho vhwela Khae. Huno O ya Khaḷivari nahone a fela ṇḍa, ha Vhuhoneni ha Mudzimu, huno a tambula. Huno a kudzwa vhudzulavhafu, nge A vha e tshivhi, o itwa zwivhi zwashu Khae. Huno henengei e muhwali wa muhwalo washu—washu, a dzhia zwivhi zwashu a zwi isa ngei—ngei Khaḷivari, huno u bva Khaḷivari u ya vhudzulavhafu; huno Mudzimu a Mu vusa nga ḍuvha ḷa vhuraru, u itela uri a vhe tshipfumelo tsha zwivhi zwashu.

⁴² Huno ṇamusu Ndi ene mupfumedzanyi e eṭhe vhukati ha Mudzimu na muthu, huno ro farelwa nahone ro hangwelwa nga fhedzi. Mudzimu ha vhuyi a zwi ḍivha uri ro vhuya ra tshinya. Zwivhi zwashu zwo poselwa Lwanzheni lwa Khangwa, uri zwi songo tsha elelwa. Ri nga si zwi ite izwo nga riṇe vhaṇe; ri vha re na magumo. Ene ha na magumo. Huno magumo ashu, ri kha ḍi kona u elelwa, ngauri a ri vhahulu lwo eḍanaho. Fhedzi Ene ndi muhulwane nga maanda lune A vhuya a hangwa uri ro vhuya ra ita tshivhi. Ri vharwa na vhananyana, Vhuhoneni Hawe. Huno zwithu zwoṭhe zwe A vha e zwone, ri zwone. U vha tshivhi tshanga, uri ndi vhe u luga Hawe. U vha tshivhi tshaṇu, uri haṇu. . . Ene. . . uri ni kone u vha u luga Hawe. Ngauralo Mudzimu ha koni u vhona tshivhi kha inwi samusi u bula haṇu hu kha Kristo Yesu.

⁴³ Muṇwe muthu o amba, tshiṇwe tshifhinga tsho fhiraho, a ri, “Arali ndo tenda tshithu tsho raloho, naa ndo vha ndi tshi nga vhuya nda sinyuwa! Ndo vha ndi tshi ḍo pennda ḍorobo nga tswuku. Ndo vha ndi tshi ḍo ya holoni inwe na inwe ya dantsi. Ndo vha ndi tshi ḍo kambiwa nga maanda, na tshiṇwe na tshiṇwe, ngauri, . . .”

“Ndi ngani?”

“No no ḍi tsireledzea kha Kristo. Naa zwi ita phambano-de?”

⁴⁴ Nda ri, “Izwo zwi sumbedza uri a ni nalwo.” Ni a vhona? Arali lufuno lwa Mudzimu lwo vhuya lwa kwama mbilu yaṇu, nga vhulenda ha Yesu Kristo, no vha ni tshi ḍo Mu funa nga maanda, shango ḷo vha ḷi tshi ḍo fa, sa tshivhi tshaṇu. Iyo ndi ṇḍila ine na zwi ḍivha uri ni na Muya Mukhethwa. Hu si ngauri no kona u zhamba, u ṭavha mukosi, u amba, kana dzindimi, kana tshiṇwe na tshiṇwe tshine tsha vha tshone. Fhedzi musi tshivhi

tshi tshi fa, huno ni a tshila kha Yesu Kristo. Oo, lufuno lwa Mudzimu, lwo pfuma hani, lwo tamba hani! Ni a vhona?

⁴⁵ Zwino fhana Louisville, Kentucky, hu si zwa kale-kale, mushumeli o vha a tshi khou amba, uri ho vha hu na mu—mufumakadzi muswa. O lindela tshifhinga tshilapfu zwiṱuku vhutshiloni uri a malwe, huṱwe fhethu tsini na u vha hawe na minwaha ya fumbiliṱhanu, ya furaru nga vhukale. Huno o vha e musidzana wavhuḍi, a fulufhedzeaho wa Mukriste. Huno ho vha hu na muṱwe munna Louisville we a vha a songo ralo; o vha a songo tshila vhutshilo havhuḍi ho raloho. O vha o gidimela dzidantsini na nduni dza vhaendi, na zwiṱwe-vho, fhedzi liṱwe ḍuvha a wana u farelwa ha tshivhi tshawe huno a—a vha Mukriste wa vhukuma, Mukriste wa vhukuma a fulufhedzeaho. Ngavhuya ṱwaha u tshi ṱoḍou fhela, a funa uyu mufumakadzi muswa, huno mufumakadzi muswa a mu funa nga maandesesa. Huno vha malana.

⁴⁶ Huno nga murahu ha musi vho no tshila vhoṱhe lwa minwaha i no ṱoḍou swika mivhili, vho amba zwaui uyu mufumakadzi muswa o amba na munna wawe liṱwe ḍuvha, a ri, “Mufunwa, ndi dzhia uri izwo zwi nga zwi a ni konḍela, ni tshi tou vha Mukriste muswa,” ha pfi, “ndo vha Mukriste u bva ndi tshee musidzanyana.” Fhedzi ha pfi, “Uri inwi, Mukriste muswa, uri ni kone u konḍelela ma—ma—maano mavhi na milingo yoṱhe i no tshimbila nazwo nga murahu ha musi no—no no ita tshivhi tshifhinga tshilapfu.”

Huno a ri, “Zwo ralo, zwi vha nndwa.”

⁴⁷ A ri, “Ndi ṱoḍa inwi ni tshi elelwa tshithu tshithihi, tsha uri arali swina li tshi ni vhaisa huṱwe fhethu, huno na wa huno na humela murahu tshivhini, ni songo ṱutshela kule na haya. Ndi ṱoḍa ni tshi ḍa hayani.” Ha pfi, “Ni khou yo wana hayani mufumakadzi onoyo muthihi we na mala.” Huno ha pfi, “Ndi ḍo ni thusa u dovha u rabela, na u rabela na vuledza, huno na vhuṱelela kha Mudzimu hafhu.” Ha pfi, “A—a—a a thi ṱoḍi ni tshi ṱutshela kule.” Ha pfi, “Sedzani, ndo ni mala kha theo ya zwe na vha ni si zwone, fhedzi ndo ni mala ngauri ndo ni funa.” Huno a ri, “A hu londwi zwine na ita, ndi kha ḍi ni funa. Ndo ni mala nge nda ni funa.”

⁴⁸ Huno munna nga ilo ḍuvha a ya u shuma, a pfiwa a tshi zwi dovhola ngomu ha . . . fhethu he a vha a tshi shuma. A ri, “Zwino, naa munna a nga ita tshiṱwe tshithu tsho khakheaho a tshi lwa na tshiṱwe tshithu tsho raloho?” Musi musadzi, a no mu funa nga maanda lune, a hu londwi zwe a ita, a vha a tshi funa u vhuya huno a mu dzhia hafhu, huno a zwi lingedza hafhu. Ni a vhona? Zwi sumbedza . . . Zwino, inwi andisani izwo nga bilioni huno zwenezwo ni na muhumbulo wa zwine lufuno lwa Mudzimu lwa vha zwone. Ni a vhona?

49 Izwo musi muthu a tshi funa Yesu Kristo, zwithu zwa shango... Musi ni tshi elekanya nga ha zwe A ni itela zwone u ya nga Luñwalo, hu si u ya nga inwe nyanyuwo, fhedzi u ya nga dzimbuno, zwine zwa vha zwone, zwenezwo hu vha na tshinwe tshithu tshi no bvelela kha inwi. Musi Mbebo ntswa i tshi da, tshivhi tsho fa sa vhusikukati. Musi samusi itsho Tshedza tshi kha inwi, naa swiswi li nga penya hani? Li nga si zwi ite. Izwo ndi zwe Mudzimu a ita kha munna muthihi we a diposela vhukati, we a kona u dzhia pfulufhedziso. Huno Mushe e tshi—tshifanyiso tsha itshi Tshilwa-na-tshifanyiso, ndi ngazwo Mushe o ima vhukati u itela vthathu.

50 Zwenezwo ndi a mangala, nga lino divha, la itshi tshikhathi tshi sa dilangi, tshi bvafhaho, tshi sa dini tsha Laodikea tshine ra tshila khatsho. Rothe ri a zwi divha, huno ro fhira kha *Zwikhathi Zwa Tshivhidzo*, uri ri khou tshila kha tshikhathi tsha u fhedza, Tshikhathi tsha Tshivhidzo tsha Laodikea. Huno itshi tshikhathi tshi bvafhaho, tshi sa dilangi, tsha u dzula tsho takala, tshi tshi ita miswaswo, tsha tshivhi tsha nyemulo tshine ra khou tshila khatsho zwino, ndi tshimangadzo uri Mudzimu ha sokou ri, “Humela murahu, tshivhidzo, Ndi do tou lozwa tshigwada tshothe.” Ni a vhona? Ndi tshikhathi-de tshine ra khou tshila khatsho nandi! Huno U do ita hezwo nga linwe la haya maduvha, na zwone-vho. Ri a zwi divha uri zwi khou da. A hu khou yo vha na u vhavhalela kha hezwi, ngauri O no, di ralo, Munwe muthu o fela avho vhe vha toda u ponya. Fhedzi U do dzhia avho vhe vha ralo, kana vho tangananedzaho Kristo huno vha vha Vhakriste, vha do bviswa kha mbiti. Ngauri, nga itsho tshifhinga O kundelwa u zwi ita; ho vha hu si na ndila ya u zwi ita tshifhinganani tsha Mushe.

51 Zwino kha Bugu ya Nzumbululo, musi ri tshi swika kha Tshikhathi tsha Tshivhidzo tsha Laodikea. Kha Nzumbululo, ndima ya 3, Bivhili yo amba uri tshikhathi itshi, tshikhathi tsha Laodikea, tsho vha “tsho pofula.” Ha pfi, “Ngauri wo ‘pfuma,’ u ri wo ‘pfuma,’ nahone wo ‘andelwa nga ndaka’; zwivhidzo zwihulwane, vthathu vho ambaraho zwavhudisa, vhahulwanesa vhe vha vhuya vha vha hone kha tshinwe thikhathi-vho. Ngauri u ri, ‘A thi shayi tshithu.’ A u zwi divhi uri u mushai, u a tungufhadza, wo dzhielwa, u fhedzi, wo pofula, huno a u zwi divhi.”

52 Zwino arali munna o vha e kha aya maimela, huno no vha ni tshi nga mu vhudza maimela awe, o vha a tshi do lingedza u dithusa arali—arali o vha o luga thohoni. Fhedzi musi e kha ayo maimela huno ni si nga koni u mu vhudza tshinwe-vho tsho fhambanaho, u tou sa tenda uri u fhedzi, ha tendi uri u nga itsho tshivhumbeo, zwenezwo zwi a sumbedza hafha uri ndi bofu. Mudzimu wa lino shango o pofudza mafo a avho vha no hana u shumela Kristo, huno vho... vho pofula nga maanda lune vha kundelwa u vhona tshiga tshine ra khou tshila khatsho, awara,

tshifhinga tshine ra khou tshila khatsho. Huno elelwani, ho no di vha na Muñwe o imaho vhukati, huno a hu na muñwe-vho ane a nga ima. Inwi ni tea u tʰanganedza ilo, ilo dzilafho, kana no lovha.

⁵³ Zwino, zwino kha riñe, u ɖa tsini zwino kha zwine nda ɖoɖou amba. Naa ri nga ima . . . Zwino ndi khou direrela nñe muñe, kha izwi. Naa ri nga ima ra vhona muthu o pofulaho, o pofulaho lwa nama, huno ra zwi ɖivha uri u khou pfuka luwa, naa riñe kha tshiimo tshashu—tshashu tsho dzivhuluwaho tsha ɖhalukanyo yashu, ine ra vha ngayo matsheloni ano, naa ri nga ima huno ra vhona munna o pofulaho a tshi pfuka luwa, o pofula, huno ra si lingedze u mu tsivhudza? Hu ɖo vha, heneffho, hu ɖo vha hu tshiɖuhu nga maanda. Ri ɖo vha ri si na dzangalelo nga maanda mbiluni dzashu. Naa ni nga humbulela, muthu a tshi vha a si na dzangalelo nga maanda lune kaɖukuɖuku a nga sea, huno a vhona munna o pofulaho, ane a kundelwa u vhona nahone a sa koni u ɖithusa, nga khole a tshi pfuka luwa? Itsho tshi ɖo vha tshi—tshiithu tshivhi; a sa iti tshiithu nga hazwo.

⁵⁴ Zwo ralo, kha vharathu vhang, shangoni lothe, ndi ɖoɖou ita u ɖibula uhu. Ndi—ndi zwi amba nga u ɖitukufhadza, uri izwo zwi tou vha malugana na zwe nda vha ndi tshi khou ita, kana u ɖoɖou ita. Ndo rera lwa minwaha, huno ndi—ndi vha mukalaha na mureri a re na tshenzhemo o aluwaho, nahone ndo vha na nndwa nnzhi dzi konɖaho, huno khamusi ndi na mavhadzi, ndo tshetshekanywa tshothe nga ngomu, nga dzinndwa. Ngauri, mukovhe wanga, we Murena a nñea, ho vha hu si u vhuya u khisa vhushie, na—na u malisa vhaswa, na u swiɖa vho aluwaho. Fhedzi ho vha hu u fara Banga lo nɛwaho kavhili ngei nndwani, u lwa na maano mavhi a—a tshihedeni na vhudimoni, na—na maanda a swiswi, huno nda lwa nazwo nga Ipfi la Mudzimu u swika ndi tshi vhona swina lo kundwa. Ndo tshetshekanywa lwa u tsa fhasi, zwifhinga zwinzhi.

⁵⁵ Zwenezwo musi ndi tshi ɖa na Mulaedza nga lino ɖuvha, huno ndo vhudza tshivhidzo zwithu zwine nda vha tsini na u zwi amba. Huno ndo bvumba minwaha yo fhiraho, musi Muya Mukhethwa wo mmbidzela uyu mushumo. Huno a hu na muthu a no tshila kha lifhasi namusi, ane a nga vhuya a ri Murena o vhuya a ntendela u ni vhudza tshinwe tshithu-vho nga Dzina Lawe, fhedzi zwe zwa ɖa zwa khunyelela kokotolo fhedzi nga ndila ye zwa vha zwi tshi tea u itwa.

⁵⁶ Nga ndila ye A nthuma nnda u thoma, huno tshifhiwa tsha u thoma, na tshifhiwa tsha vhuvhili, na zwithu zwo ambiwaho kana zwa itwa, shangoni lothe, huno vha milioni nga u tou ralo vho ɖa kha Kristo. Huno vhareri vha mahumi a zwigidi vho hevhedzwaho, vho thoma mvuseledzo ye ya tanganya tshifhatuwo tshothe tsha lifhasi namusi. Huno ngauri Vhapentekosta la vho vha vhone vho tʰanganedzaho Mulaedza wanga, vho vha vhone vhe vha ɖoka midzi. Tshivhidzo

tsha Pentekoste tshi sumbedza thembuluwo dzo engedzeaho tshigwadani tshiṭuku tsha Vhapentekostaḽa u fhira zwiṽwe zwiṽhidzo zwoṭhe zwo ṭangana. Izwo ndi zwiṭatisitiki. Ndi ngani? Ngauri vhone vha khou ṭanganedza Ngoho na u ṭanganedza mvusedzo.

⁵⁷ Huno zwino, nga murahu ha musi tshifhinga tshihulwane tsho ḽa tsha u fhodzwa ha vhalwadze, na u pandelwa ha vhodiabolo, na u vuswa ha vhafu; zwine roṭhe ra vha dziṭhanzi, na one madokotela manzhi na vathu vahulwane vha ḽifhasi. Huno u bevelela ha Murena Yesu vhukati hashu, honoho kha tshiga hangei vhunga ni tshi vhona, ndi a humbulela kha luvhondo, huṽwe na huṽwe hune tsha vha hone, tsha Muruṽwa wa Murena. Na nga ṽdila ye vhorasaintsi vha tshi itela nzivhanyedziso, huno ndi—ndi mbuno i ḽivheaho, shangoni ḽoṭhe. Huno vhone zwithu zwenezwo zwe A ita, zwi tshi khunyelela, tshifhinga tshoṭhe. Zwenezwo, arali Khavhu ya Mulilo yo ṭuwaho na Israele u buḽekanya sogu, maḽuvhani a Mushe, ine riṽe. . . kana zwino Mushe o vhidzwa, “Mulanda wa Murena,” huno a tevhela Khavhu ya Mulilo vhusiku, na Gole masiari.

⁵⁸ Huno musi Yesu o vha e kha ḽifhasi, O amba zwaauri O vha e uyo Mudzimu. O ri, “Abrahamu a sa athu vha hone, NDI HONE.” Huno “NDI HONE” o vha e Khavhu ya Mulilo ye ya vha i tshiṭakani tshi dugaho, ye ya amba na Mushe kha ma—maḽuvha o fhiraho. Ndi elekanya uri izwo ndi zwone, Mukomana Vaḽe. Zwenezwo O ri, “Ndi bva ha Mudzimu huno Ndi ya ha Mudzimu.” Huno musi O vhambiwa, a fa, huno a vuwa, huno a gonya Nṭha, nahone a vhea muvhili Wawe fhasi kha aḽiṭari khulwane ya Mudzimu wa U Ya Nga Hu Sa Fheli, uri heneṽfo a dzule e hone u ita ngomu fhethu hashu, u zwi ḽivha uri O badela mulandu washu wa tshivhi. Huno heneṽfo O dovha a vhuya ḽifhasini hafhu, nga tshivhumbeo tsha Khavhu ya Mulilo khulwane.

⁵⁹ Paulo Mukhethwa, ṽdilani yawe, a sa athu vhidzwa Paulo Mukhethwa, o vha a tshi vhidzwa Saulo wa Tharasisi. Huno ṽdilani yawe ya u tselu Damaseko, u fara vhaṽwe vathu vhe vha vha vha tshi khou ita phosho yo kalulaho, huno vha tshi khou ṭavha mukosi, nahone vha tshi khou rera Maḽungo—maḽifha e a vha o fhambana na maitele avho a zwiṽhidzo zwavho. ṽdilani yawe ya u tsa, ḽiṽwe ḽuvha, tshifhinga tshi no ṭoḽou nga tshenetshi tsha ḽuvha, a rwiwa a wela fhasi nga Tshedza tshihulwane. Huno itshi Tshedza tshihulwane, ene e Muyuda huno a tshi zwi ḽivha uri Khavhu ya Mulilo yo ranga phanḽa vhana vha Israele, huno afha Yo vha i phanḽa hawe hafhu, a vhidzelela, “Murena!”

⁶⁰ Zwino arali na dzhiela nzhele kha ṭhalutshedzo dzaṽu kha King James na Standard yaṽu, na dzoṭhe, ndi ḽeḽeredanzi M-u-r-e-n-a. Huno muṽwe na muṽwe a no ḽivha Bivhili yawe, u a zwi

divha uri musi ilo li lederedanzi M-u-r-e-n-a, ndi Elohim, Uyo o edanaho tshothe we a sika matadulu na lifhasi, kha Genesi 1:1. Ni a vhona, lederedanzi, “Murena!” Zwino Paulo o vha a tshi do vha a songo vhidza tshinwe tshithu tshi no fhura mafo, o vha a tshi do vha a songo vhidza tshinwe tshithu tshe a sa divhe tshithu nga hatsho, ngauri o vha e munna o pfumbudzwaho Manwaloni. O aluwa e fhasi ha Gamaliele, mudededzi muhulwane wa ilo divha, huno o vha a tshi do vha a songo vhidza uyo, “Murena,” arali o vha a songo fushea uri Uyo o vha e Jehovah. O ri, “Murena, U Nnyi?”

⁶¹ Thetshelesani Ipfi li tshi vhuya, “Ndi nne Yesu,” a sa shanduki mulovha, namusi, na lini na lini.

⁶² Ngauralo ndi a elekanya, vhukati ha zwothe zwazwo, ndi sa athu ya phanda, afha na kha shango lothe, vathu vha no do vha vha tshi khou thetshelesa, nahone vha no khou thetshelesa zwino, vha do zwi divha uri zwi sumbedzwa nga nyito inwe na inwe uri ndi Yesu Kristo a sa shanduki mulovha, namusi, na lini na lini. O ita zwenezwo zwithu zwithihi zwe A ita, a fhodza vhalwadze, o divha mihumbulo ya thalukanyo, ngauri lo sumbedza zwithu zwi no do khunyelela, nahone tshifhinga tshinwe na tshinwe lwo fhelelaho minwahani iyi yothe. Nne ndi na minwaha ya futhanuiwa nga vhukale, huno ndo vhona mabono u bva ndi tshee na minwedzi i todaho u swika ya fumimalo nga vhukale, nahone, a hu na na tshifhinga na tshithihi, nga nda ha tshifhinga tshinwe na tshinwe he zwa vha ngoho. Ni a vhona? Zwino, uyo u tea u vha Mudzimu. Huno nne ndi tshi elekanya uri, “Ndi ngani vathu vho pofula nga maandla lune vha kundelwa u vhona hezwo?”

⁶³ Huno musi ndi tshi amba ndi sa fhidzi na vhasadzi vhashu—vhashu nga ha u fhungudzela mavhudzi avho, huno vhashumeli vha tshi nkhambekanya malugana nazwo; na nga ha u ambara havho zwiambaro zwa vhuada, zwa idzi shoti, na—na u lala nda nga ndila iyo, na—na u bvela phanda na iyo ndila mmbi; na malugana na ndila ine vhanna vhashu vha vha vha tshi khou ita, vha tshi daha, huno vha tshi dzhia zwinwiwa zwa matshilisano, na—na tshinwe na tshinwe; huno zwenezwo vha tshi kha di divhidza Vhakriste, nahone vha tshi khou dzhia Tshilalelo tafulani ngauri vhe vha dzangano. Oo, ho vha hu tshi tou vha fhedzi, vho elekanya uri ndo nyefula Mudzimu. Huno vhasadzi vho vha vha khwine? Vho nana, kha lushaka lwothe.

⁶⁴ Zwenezwo nne, ndi na mazhuluzhulu, (ndi khou amba izwi ndi tshi nga ndo dzika), khamusi muthu wa lushaka lwa mazhuluzhulu lune nda vha lwone, nahone ndi tshi zwi divha uri ndo vha ndi songo edana, mathomoni, kha mushumo; vhunga vhanzhi vho gungula, vhe vha tea u zwi ita. Zwo vha zwi tshi konda. Fhedzi ndo—ndo elekanya, “Mudzimu, ndi ngani U songo vhidza muwe muthu we a vha a tshi do zwi ita? Huno ndi—nne ndi humbela pfarelo, fhedzi ndo—ndo kundelwa. Vathu

vha tou vha vha si nga nthetshelesi. Huno ndo kundelwa u ita zwe nda vha ndo tea u zwi ita, huñwe fhethu, ngauri a vha nga thetshelesi.”

⁶⁵ Mme anga, vhane vha kha ñi bvou ya Vhugalani, hune ha ñodou—hune ha ñodou fhira ñwaha wo fhiraho zwiñuku. Mme anga, khotsi avho vho vha vhe mu—muzwimi. Huno ndi elekanya uri ndi na zwothe zwi no bva khavho, kha itsho tshiimo, ngauri ndi—ndi—ndi funa mataka. Huno ndo elekanya, “Arali avha vhathu vha no ñivhidza Vhakriste, arali vha sa ñodi u thetshelesa Mulaedza une nda khou rera, zwenezwo vha litsheni. Ndi ño tou u imisa, tshothe, huno ndi ño gonya thavhani. Huno ndi a ñivha khonani kha he. . .” Vhunzhi hañu, fhano, ni a nnyelelwa ndi tshi bvumba tshifhinga, hu tshi ñodou fhela minwedzi ya rathi zwi sa athu bvelela, nga ñdila ye nda vha ndi tshi ño ya fhethu, u bva henefha kha iyi pulatifomo hafha, huno hu ño vha na phu—phukha i no fana na nyala i re na ñanga dzi re na ñhodzi, na nga ñdila ine ya ño vha intshi dza fuiñambili, na nga ñdila ine ha ño vha na tshivhingwi tsha ñhodzi tsetha tsha fithi dza sumbe. Ni nazwo kha dzitheiphi na tshinwe na tshinwe. Ndi a humbulela uri ni elelwa tshifhinga, vhoñwi nothe. [Tshivhidzo tshi ri, “Amene.”—Mudz.] Ndi zwone, i lufherani lwanga henengei zwino, u—u sumbedza uri ndi ngoho.

⁶⁶ Zwino kha zwithu fhedzi zwi no fana na hezwo, nge ha vha hu musi mme anga vha sa athu tuwa, huno O vha a tshi khou ñoda u mphumudza kha ilo dzhenuwu lihulwane, le A zwi ñivha uri U khou yo vha dzhia.

⁶⁷ Zwino, ndo tangana na munna we a vha e Mukriste, huno u na shango lihulwane fhasi ha Alaska. Huno ndo vha ndo no dzudzanya ñhalukanyoni yanga, zwañri ngauri ndo no tuwa fhano huno nda ya Vhukovhela, ndi ño dzhia mufumakadzi wanga huno nda nga ndi a mu kungela kha tshinwe tshithu; ndi ño mu isa ngei ñtha, huno ndi ño vha muendedzi. Huno zwenezwo arali Murena o ñoda ndi tshi ita tshinwe tshithu, ndi ño litsha mavhudzi anga a tshi aluwa nahone—nahone ndi—ndi ño. . . ndebvu dzanga. Huno—huno ndi—ndi ño humela murahu ngomu henefho huno nda vha muendedzi. Ho vha hu tshi tou vha na Mañdia a no ñodou swika mavhili kana mararu fhedzi e a tshila kale shangoni henefho. Ndi—ndi ño tou vha mu—muendedzi huno nda thusa Bud. Huno arali Murena o ñoda ndi tshi ita tshinwe tshithu, zwenezwo ndi ño—ndi ño ri, “Zwo luga, Murena.” O vha a tshi ño ñnea bono. Ndo vha ndi tshi ño ya ñña nga u ñanga.

⁶⁸ Ndi ri vhathu. . . na kathihi a tho ngo ñidzhia, nnyi na nnyi izwi a tshi zwi ñivha, fhedzi vhathu vho ri, “Mukomana Branham, Murena o ni vhidza uri ni vhe muporofita Wawe.” Zwo ralo, a—a tho ngo ñidzhia sa ene, fhedzi ndi thoma u swika kha tshifhinga tshe nda vha ndo ñilugisela u zwi ita, u elekanya, “Zwo ralo, khamusi ndi ene. Arali ndi ene, ndi ño tshila murahu

sogani. Huno arali ndi tshi ɔo tshila murahu sogani, zwenezwo ndi ɔo—ndi ɔo—ndi ɔo vha muporofita Wawe, ni a vhona, nahone zwenezwo arali A tshi ɔoɔou nthuma huñwe fhethu. Huno musi A sa khou ntshumisa, zwenezwo ndi ɔo vha na ngoho ya u yo fasha inwe khovhe yavhuɔi huno—huno nda ita zwiñwe zwithu.” A hu na zwiñwe, uho ho vha hu luñwe lushaka lwa vhuɔifari lwa tseɔa, ni a vhona, nge nda ɔoɔa u ita hezwo. Zwino, a tshi tou vha kokotolo tshithu tshi no tea u itwa. Huno zwino ndo no dzudzanya ɔhalukanyoni yanga u ita hezwo.

⁶⁹ Huno zwino, musi *Zwikhathi Zwa Tshivhidzo Zwa Sumbe* zwi sa athu rerwa, vhunga zwo olwa hangei. . . Hu na vhanzhi, namusi, vhe vha vha vhe fhano nga itsho tshifhinga, huno vha zwi ɔivha uri Murena izwo o zwi fhatutshedza hani, luvhondoni ngei murahu, Lo zwi vhonisa. U tou. . . Naa ndi vhangana vha re fhano zwino, vhe vha vha vhe henengei nga itsho tshifhinga musi A—A tshi ɔa? [Tshivhidzo tshi ri, “Amene.”—Mudz.] Izwo zwo zwi ita.

⁷⁰ Zwenezwo ndi a elelwa nga itsho tshifhinga nga ha Mukomana Jackson. U na riñe kanzhi. Mukomana Junior Jackson, Mumethodisi o vha e mushumeli wa Methodisi. Iina, ngoyu o dzula nga hangeno zwino. Zwino, u ɔa kha nñe e na muloro, huno zwenezwo vhanwe vharathu vho engedzeaho vha ɔa na muloro wo raloho. Zwino, Murena o vha wavhuɔi vhukuma kha nñe, huno na kathihi a thi athu, ni dzhia uri ni rekhode matsheloni ano, uri ndo vhuya nda ni vhudza ɔhalutshedzo yo khakheaho ya muloro? Hai, muñe wanga. Ngauri, Murena. . . A thi nga ɔo u amba u swika ndi tshi u vhona hafhu nahone nda zwi ɔivha zwine A amba nga hawo, zwenezwo ndi ɔo ni vhudza. Huno zwenezwo a ri ndo—ndo vha ndi na tshumelo ngei kha tshivhidzo tshawe, huno ene, nga inwe ndila kana inwe, o vha e na mazhuluzhulu vhukuma uvho vhusiku, huno a gidimela nñɔa ha kereke huno a vhuya nga inwe ndila huno a ɔangana na nñe moɔoroni, na vathu vha tshi khou fhira. Ha pfi, “Ndi ɔoɔou ni vhudza tshiñwe tshithu.”

⁷¹ Huno a mmbudza uri o lora muloro, wa uri ngeno nṯha huñwe fhethu, u fana na ngei Indiana, uri ho vha hu na muvhundu mulapfu, muhulwane wa mahatsi, huno maɔi o vha o kumbuludza mavu oṯhe a nga nṯha, huno wa vha tombo u fana na ṯhodzi i re na pha—phanda kha—kha thavha. Huno zwenezwo ngomu ha iṯi tombo ho vha hu na Muñwalo na kanukisaho. Huno a ri ndo vha ndo ima henefho na vharathu vhoṯhe u mona na kereke fhano, ndi tshi khou ɔalutshedza uyu Muñwalo. Huno zwenezwo musi zwi tshi ɔa kha tshifhinga tshe nda ita uri Zwalwo zwoṯhe zwi ɔalutshedzwe, zwenezwo wone. . . nga inwe ndila kana inwe, arali ndi tshi pfesesa muloro nga ndila yone, ndo fara tshiñwe tshithu tshi no fana na mugwala, kana—kana luñwe lushaka lwa mugwala wa khuɔa kana tshiñwe tshithu, kana hu si mugwala wa khuɔa, ndo vha ndi tshi khou amba

mu—mugwala wa phurai kana tshinwe tshithu, huno nda sokou tumula thodzi ya iyo thavha huno nda i imisela ntha. Huno nga ngomu hayo ho vha hu na tombo litshena, tshinwe tshithu nga nzudzanyo ya giranete kana—kana tshinwe tshithu kha ulwo lurumbu, linwe tombo litshena le la vha li songo nwalwa. Huno nda ri kha vharathu, “Dzulani hafha nahone ni sedze kha Ulu.” Huno nne, musi vhothe vho vha vha tshi khou sedza, nda bva nga u tou nenga vhukati havho huno nda thoma u ya Vhukovhela. Huno Mukomana Jackson a ri o mmbona ndi tshi khou gonya munwe muvhundu, nahone zwenezwo munwe muvhundu, ndi tshi khou vha mutuku na mutuku, ndi tshi khou ya Vhukovhela. Ni a elelwa izwo.

⁷² Zwo luga, thalutshedzo ya hezwo, a hu na zwinwe, yo newa fhanu tshivhidzoni i sa athu khunyelela, uri tshi—tshifhinga ndi zwino, tshine nda tenda, uri nzumbululo yo dalaho kha tshikhathi tsha Luther, Wesley, na John Smith, Alexander Campbell, na vhanwe vho fhambanaho vhe vha rera Bivhili, huno zwenezwo ra pfukela kha Bivhili huno ra sumbedza uri hu do vha na Mulaedza wa murunwa wa vhu—vhusumbe. Huno kha u huwelelwa ha Mulaedza wa murunwa wa vhusumbe, zwiphiri zwothe zwa Mudzimu zwi do divhadzwa. Zwenezwo hu da mibvumo i mangadzaho ya sumbe.

⁷³ Huno zwino arali hu tshikhathi itsho tsha vhufhelo tshine ra khou tshila khatsho, he ra da ra fhira kha u itwa vho lugaho, vhukhethwa, ndovhedzo ya Muya Mukhethwa; huno tsho vha na zwiga, zwimangadzo, na zwithu zwothe zwo fhambanaho. Huno zwifhiwa zwo vhuvelela tshivhidzoni, zwi no nga, phodzo ya Muya, na vhumprofita, na—na u amba nga dzindimi, na dzithalutshedzo. Huno naho zwi songo vhekanywa zwavhuḏi, zwavhuḏivhuḏi, fhedzi nangwe zwo ralo, izwo a zwi tuseli kule, hu na tshavhuḏi. Hu na tsha ngoho, tshifhiwa tsha vhukumakuma, tsha u amba nga dzindimi, tshine tshifhinga tshothe tsha tea u vha Tshivhidzoni.

⁷⁴ Ri na u edzisela hunzhi. Ri na vathu vhane vha takuwa huno vha lingedza u difara vhunga Vhakriste, huno matshilo avho ha vhambedzi, ngauralo hu na tshinwe tshithu tsho khakheaho. Yesu o ri, “Nga mitshelo yavho ni do vha divha.” Ni a vhona? Iyo ndi ndila ine na divha Mukriste, nga ndila ine a tshila. Na kathihi ni songo fhufha nga ntha ha u tshila hanu. Ngauralo zwenezwo fhedzi. . . Fhedzi kha hezwo, fhedzi ndi—ndi diabololo a no khou ita mmbibi, uri vhatendi vha vhukumakuma vha vhe kule na tshithu tsha ngoho Tshalo. Fhedzi Mudzimu nga a ri thuse u fhandekanya na u kona u talukanya vhukati ha zwi re zwone na zwo khakheaho. Huno—huno Ipfi tshifhinga tshothe li do lulamisa izwo.

⁷⁵ Zwino ri wana uri, kha iyi, ndo ni vhudza heyoyi, thalutshedzo kha Tombo. Huno Tombo ndi Kristo, le la vha li kha muloro wa mukomana, huno iyo ndi Bivhili. Huno kha iyi minwaha

yothe, Bivhili yo tšalutshedzwa, u swika ri tshi I nea lwo fhelelaho tšalutshedzo ya vhuhuweleli. Huno tshifhiwa tsha u fhedza tshi no ingiwa kha tshikhathi tsha Laodikea, tshine tsha vha tshifhinga tsha u rera ha muruwa wa vhusumbe, kha tshikhathi tsha Laodikea, nga itsho tshifhinga, uri hu do vha na zwithu zwinzhi zwe zwa kombamiswa u tsa fhasi kha zwikhathi.

⁷⁶ Vhunga Luther o rera u itwa vho lugaho, fhedzi o hu litsha hu songo dzudzanyea ngauri ho ngo tshila tshifhinga tshilapfu lwo edanaho. Huno na . . . Zwenezwo vha dzudzanya tshivhidzo. Luther na kathihi ho ngo tshi dzudzanya; nga murahu ha Luther. Huno zwenezwo Wesley a bvelela. Huno nga murahu ha Wesley, vha wana tshivhidzo tsha Wesley. Huno zwenezwo nga murahu ha hezwo hu da John Smith, Mubaphuthisi; huno zwenezwo Alexander Campbell, na vhañwe-vho. Fhedzi munna, vhashandululi, a vho ngo tshila tshifhinga tshilapfu lwo edanaho u zwi kuvhanganya zwothe. Huno, ngauralo, ha sala zwinzhi zwi songo tšaphuwaho, nga u ralo. Huno zwenezwo musi vho ita, sa tsumbo, nga ha ndovhedzo ya maši ye John Smith a i vhuisa, ndovhedzo ya maši nga—nga u mbwandamedza; fhedzi a tshi shumisa maimo. Huno vhunzhi ha izwo zwithu zwe zwa sala zwi songo tšaphuwa. Huno zwenezwo musi ri tshi tsela fhasi kha vhufoho, Mulaedza wa u fhedza u tea u lulamisa izwo tshothe, u disa izwi zwithu kha “lutendo luthihi, Murena muthihi, ndovhedzo nthihi.” Ni a vhona?

⁷⁷ Huno zwino nga murahu ha musi Bivhili yo no tšalutshedzwa, lwo vuledzeaho, zwenezwo ni dzhiela nzhele uri yo vula tšhodzi ya Tombo li no nga phiramidi. Hu si pfunzo ya phiramidi zwino, hu si iyo, ngauri ndi . . . Munna a no funza iyo pfunzo ya phiramidi, ndi a humbelela uri u a zwi divha zwine a khou amba nga hazwo. A thi divhi tshithu nga hazwo. Fhedzi, naho zwo ralo, yo vha i nga tshivhumbeo tsha phiramidi, fhedzi khephe kha phiramidi a yo ngo vhewa na kathihi. Ndo vha ndi ngei Cairo nahone—nahone kha la Egipta, huno—huno khephe a yo ngo da na kathihi, ngauri ho vha hu tombo la khuḁa, lo vha li tombo la tshiuludza. Tshivhidzoni lo vha li tombo la khuḁa. Kha tshivhidzo tsho dalaho, lo vha li tombo la tshiuludza. Ngauralo na kathihi A lo ngo da. lo landulwa, Kristo. Huno li do da. Huno ndi a tenda uri musi li tshi da, Tshivhidzo tshi do vhumbea fhethu, u bva kha u itwa vho lugaho fhasi ha Luther, vhufoho fhasi ha Wesley, huno mulaedza wa Pentekoste u do disa Tshivhidzo kha vha si gathi vho raloho, huno mushumo u do vha vhufoho ha avho vathu u swika u tshi vha mushumo u fanaho kokotolo na we Yesu Kristo a ita. Uyo u do disa Yesu huno wa fasha tshithu tshothe wa tshi tšuwisa.

⁷⁸ Avho vhothe vha fhulufhedzeaho nahone vha ngoho vha Luther, vha Puresbiterieni, vha Baphuthisi, vha Methodistisi, na we a bebwa nga Muya wa Mudzimu, vha do fashwa vha tšuwiswa na Yesu Kristo musi A tshi da. Ndi a zwi tenda izwo. Ndi

fhambana na vhañwe vha vharathu vhashu vha Pentekoste vha no tenda uri masalela a tshivhidzo ndi avho vha no do fashwa vha tuwiswa kha tshino tshikhathi tsha u fhedza. Ndi a fhambana henefho, ngauri Mudzimu . . . Naa munna o vha a tshi nga kona hani, nahone naa Mudzimu o vha a tshi nga kona hani . . . Arali ro vha ri tshi nga kona u ri, “Naa O vha a tshi nga kona hani?” A nga ita zwine A tama u ita. Fhedzi Mudzimu, we a fulufhedzisa Luther, nahone fhasi ha u itwa vho lugaho, ndi zwenezwo fhedzi zwe vha zwi ñvha. Ni a vhona? O fulufhedzisa u dzhia Tshivhidzo. Huno Ene . . . Ndi kona u tenda nga tshilidzi tsha Mudzimu na nga thikhedzo ya Luñwalo. Ngauri, Ho ngo ña kha u fhañwa ha u thoma, huno vho ya u eñela; na u fhañwa ha vhuvhili; u tsa fhasi. Kha u fhañwa ha vhusumbe, U a ña. Huno itsho ndi Tshikhathi tsha Tshivhidzo tsha Vhusumbe, kha Mulaedza wa muruñwa wa vhusumbe. Ni a vhona? Huno musi A tshi ña, avho vhasidzana vhoñhe vho vuwa huno vha penyisa mbone dzavho. Ni a vhona? Mupuresbiterieni, Muñutere, Mubaphuthisi, muñwe na muñwe we a bebwa nga Muya wa Mudzimu, u do ñwa nga uho U Takulelwa Tañulu. Ndi a tenda uri Muselwa u do vhidzelwa nñda nga itsho tshifhinga. Ndi a tenda uri hu do vha na vhañwe mañuvhani a u fhedzisela vhane vha sa do tea u thetshela lufu, fhedzi vha do shandukiswa nga tshifhinganyana, nga u poidza ha iñe.

⁷⁹ Zwino, u swika henefho no dzhiela nzhele, muloroni wa Mukomana Jackson, uri ho vha hu si na muñwalo kha iñi Tombo nga ngomu, izwo ndi zwe nda yela zwone Vhukovhela. Zwino, vhunga zwo bvelela, nahone ndo ni vhudza, iñwe ñvha ndi do ni vhudza uri zwo vha zwi tshi khou ambani. Ndo yela zwone Vhukovhela. Huno ndo ni vhudza bono, ñe vthathu, vha re kha theiphi na vha re hone matsheloni ano, vha do ñi ñvha nga u dzhia Vhañe Vhanga, Naa *Ndi Tshifhinga-ñe?* Huno muñwe na muñwe-vho wa vhoñwi vharathu vha theiphi ane a sa vhe na uyo Mulaedza, huno a tshi ñdou tevhela Uyu, dzhiani: *Vhañe Vhanga, Naa Ndi Tshifhinga-ñe?* Phañda, dzivhege na minwedzi phañda ha musi zwi tshi bvelela, hafha ndo vhona bono ña u vha ngei Tucson, devhula ha Tucson; afho hu do vha vhubvañvha ha Flagstaff, devhula ha Tucson; huno ndi do vha ndi tshi khou fula zwinukhwa milenzheni ya vhurukhu hanga, huno mu-muthuthubo u do vha hone une zwa vhukuma wa do nga u dzinginyisa shango. Naa ndi vhangana vhañu vha no elelwa izwo? [Tshivhidzo tshi ri, “Amene.”—Mudz.] Izwo ndi zwone. Izwo zwi do dzinginyisa shango.

⁸⁰ Zwo luga, zwi sokou itea ha vha hu uri munna muthihi u hone matsheloni ano we a vha o ima henefhañi musi zwi tshi bvelela. Zwa vhukuma wo dzinginyisa matombo a bva thavhani. Huno zwino vha . . . Ri wanulusa uri, nga itsho tshifhinga, ndo vhona Vharuñwa vha sumbe nga—nga tshivhumbeo tsha phiramidi, vhe vha tsela fhasi huno vha ntakula. Huno ndo ñiswa Vhubvañvha,

u pfunulula Mapfundo a Mudzimu a Sumbe. Arali ni si nao... Arali Yesu a tshi lenga, huno ndi... zwiḡuhulu-tshikwenḡa zwanga, vhana vha Paulo vhaṡuku, izwo zwi ḡo ḡi vha zwi Ngoho ya U Ya Nga Hu Sa Fheli ya Mudzimu a tshilaho. Zwino, izwo zwo vha zwi zwa u wanulusa, zwe zwa vha zwo shatelwa ngomu thavhani iyi, zwe zwa vha zwi songo ḡwalwa. Zwo ḡo tea u ṡalutshedzwa. Huno musi ndi tshi vhuya, Muruḡwa wa u thoma, kha vhusiku ha u thoma, o pfunulula Pfundo nga ḡdila yo fhambanaho na tshiḡwe na tshiḡwe-vho tshe ra vhuya ra tshi pfa vhutshiloni hashu. Huno oṡhe a sumbe a bvela ḡḡa nga ḡdila i fanaho. Ni a zwi ḡivha izwo. No vha ni hone fhano musi zwi tshi bvelela, vhunzhi haṡu.

Huno, zwino, a tho ngo zwi ḡivha nga itsho tshifhinga, fhedzi...

⁸¹ Mukomana Fred Sothmann, ndi a zwi ḡivha uri u fhano. Huno ndi na ngoho tshoṡhe uri Mukomana Norman u fhano. Ro vha ri ḡṡa... Ndo ḡo tea u ya Houston malugana na u wana uyo mutukanyana we a phuluswa kha tshidulo tsha muḡagasi. Huno zwenezwo nda humela murahu nahone nda ya u zwima henengei ḡṡa na vharathu. Huno nga matsheloni ayo, ndo vha ndo ima ndi tshi khou fula dzitshene, kana—kana zwine vha zwi vhidza *ṡoho-dza-mbudzi* henengei, zwinukhwa mulenzheni wa vhurukhu hanga. Huno mubvumo wo ita kokotolo nga ḡdila ye ṡa amba. Naa izwo ndi zwone, Mukomana Fred? Huno ndi—ndi—ndi fanela u vha ndo fhufhela ḡṡesa u bva mavuni. Huno heneṡho nga ḡṡa hanga ho vha hu na Vharuḡwa vha Murena vhe vha rumela Mulaedza murahu, uri ḡṡe ndi ḡe fhano u vunḡa aya Mapfundo. Ndi ngani fhano, ndi ngani kha thaberenakeṡe? Ndi ngani ndi songo zwi ita hangei? Ngauri ndo ita pfufufhedziso kha tshivhidzo tshanga na kha Mudzimu, uri Mulaedza muswa muḡwe na muḡwe-vho u ḡo bva kha iyi thaberenakeṡe, wa rikhodiwa heneṡha. Huno O vha a tshi khou nthusa u vha a fulufhedzeaho kha ipfi ṡanga, u sala ngeno murahu uri ndi zwi ite. Huno khathihi fhedzi nda humela murahu hafhu.

⁸² Huno, zwino, a tho ngo zwi ḡivha nga itsho tshifhinga, uri vho vha vha tshi khou dzhia zwifanyiso zwavho, vhorasaintsi vho vha vha tshi khou ralo, musi Vharuḡwa vha tshi ḡitsitsela fhasi vha tshi bva ṡaḡulu, u ḡisa Mulaedza. Huno ni a elelwa, ndo ri Uyo we a vha e kha lurumbu lwa tsha u ṡa tsha tshivhunga o vha e na, u nga, khana Yawe yo yela murahu, na phapha Dzawe. Ni a elelwa ndi tshi zwi amba izwo, vhoiḡwi ḡṡhe? [Tshivhidzo tshi ri, “Amene.”—Mudz.] Huno nga ḡdila ye nda Mu sedza? O vha o fhambana nga maḡḡa na vhaḡwe. Huno a tho ngo zwi ḡivha uri vho vha vha tshi khou dzhia tshifanyiso Tshavho, ngauri khathihi fhedzi ndo gidimela Vhubvaḡuvha. Fhedzi u humela murahu hayani Tucson, henengei tshoṡhe Tsho vha tshi kha mabambiri e a vhonwa kaṡukuṡuku kha lushaka lwoṡhe, kana thwii ngomu Mexico, na Mashango oṡhe

a Vhukovhela, nahone ndi humbula Courier hangeno. Tsho vha tshi kha Khandiso ya Nyandano. Naa ndi vhangana vho vhonaho, “Gole li mangadzaho lutomboni”? Ni a vhona zwanda. Huno zwino magazini wa *Life* wo tshi doba. Huno ndi na li—lianetshelwa fhanu matsheloni ano, kha magazini wa *Life*, la u sumbedza. Zwino Ngetshi, tshifhinga tshenetsho tshithihi tshe nda vha ndi henengei. Ni a vhona phiramidi ya Gole? Ndo vha ndo ima henefho fhasi ha itshi. Huno henefho, ni a vhona Muruwa o fhambanaho kha lurumbu lwa tshanda tsha u la? Ni a vhona lufhafha Lwatsho lu re na thodzi? Zwenezwo kokotolo zwe zwa ambiwa. Huno ngetshi tshi vhone Mexico na mafethu o fhambanaho he vha dzhia tshifanyiso. Zwino, uyu rasaintsi hafha u khou lingedza u—u wana mapfiwa othe nga ha tshifanyiso, ane a kona, nga ha vathu vha re na tshifanyiso. U khou tshi guda.

⁸³ Zwino, u a amba hafha uri zwi do vha zwi sa konadzei uri tshi vhe gole, ngauri muṅuṅu a u yi nga ntha hune ha toḁou swika, ndi do ri, hune ha toḁou swika maela dza rathi kana malo u ya ntha, tshinwe tshithu tsho raloho. Musi ri tshi ya seli ha lwanzhe ri anzela u fhufha fithi dza zwigidi zwa fumiṭahe, huno zwenezwo ri nga ntha ha maḁumbu. Fhedzi gole ili, u ya nga ili lianetshelwa hafha la rasaintsi uyu, ndi maela dza fumbilirathi u ya ntha. Li do vha dzimaela na dzimaela nga phanda ha muṅuṅu. Huno o ri, a tshi tsheka nyalo, nahone zwino, ni a zwi divha uri ndi. . . Naa ndi vhangana vha no elelwa uri ndo ni vhudza, “Tsho pfala vhunga tshivundamubvumo kha bufho”? Ni a elelwa? [Tshivhidzo tshi ri, “Amen.”—Mudz.] Fhedzi ho vha hu si na bufho kha dzingu. Bugu i amba nga u ralo hafha. Vho zwi tsheka. Ho vha hu si na na nthihi, hu si na mabufho hangei ntha. Huno, nga nḁani ha hezwo, a lo ngo kona. . . Iyo khuli i re murahu ha bufho a si tshithu nga nḁa ha muya wo vundeaho, muṅuṅu, ngauri li kokodza nga kha itshi tshithu, sa dzhethe. Musi i tshi dikokodza, i vunda muṅuṅu muyani. Na kathihi i nga si kone u u sunda, musi hu tshi kha di vha na dzhethe, ngauri i tea u. . . Uyo ndi wone une ya shumisa zwipelupelu khawo, nahone ndi muṅuṅu u bvaho nga u tsvhanyedza khawo.

⁸⁴ Fhedzi ngetshi, dzimaela nga ntha ha he ha vha hu tshi nga vha na muṅuṅu, nahone hu si na mabufho kha dzingu. Huno Tsho vha tshi si nga vhi muṅuṅu ngei ntha, huno tsha nembelela henengei ntha nga ilo divha. Ndi maela dza furaru u tshi buḁekanya, maela dza fumbilirathi u ya ntha. Ni a vhona? Zwi tou fana na musi ho vha hu itsho tshifanyiso *henengei*, musi ndo ni vhudza, “Muruwa wa Murena o vha a tshi nga Khavhu ya Mulilo,” minwahani yo fhiraho, I sa athu vhuya ya dzhiwa; Mudzimu u ita uri saintsi i limuwe uri Ndi Ngoho. Huno hafha, nga vuporofita he ha newa, Mudzimu u ita uri saintsi i tanziele uri Ndi Ngoho. Zwino ro imafhi? Ndi toḁou vhlunga hezwi, ngauri ndi—ndi nga di amba na khonani yanga, a re

hone matsheloni ano, u—u n̄wala ayo *Mapfundo a Sumbe*. A nga ði ʈoḁa u shumisa izwi khatsho. Huno ngauralo ni na khophi yatsho, mulandu, arali na wana in̄we, i faren̄i u itela ndaedzo. Ni a vhona?

85 Zwino u khou ʈoḁa u wanulusa, fhedzi zwi ḁo farisani u ya u mu vhudza izwo? U ḁo zwi sea. Ni a vhona, o vha a tshi ḁo sokou sea fhedzi. Ngauralo ni songo posa perela dzashu nga n̄ḁila iyo. Fhedzi ri a zwi ḁivha, Tshivhidzo tshi a zwi ḁivha, na Mudzimu u a zwi ḁivha uri ndi Ngoho.

86 Huno zwenezwo musi ndo vha ndi tshi khou rabela nga ha iyi ʈohoho, ya u mangala zwe zwa vha zwi tshi ḁo bvelela kha n̄ḁe, huno ni a ḁivha he nda vha ndi hone? Devhula ha Tucson, vhubvaḁuvha ha Flagstaff; hone kokotolo, u ya nga vhuimo, he nda ni vhudza, min̄wedzi zwi sa athu bvelela, ndi ḁo vha ndo ima. Huno kokotolo u ya nga ili bammbiri hafha, na zwa mabambiri na iyi magazini, na vhuṭanzi ha riṇe vhaṇe, kokotolo he zwa itea hone. Mudzimu o fhelela huno ha koni u zwifha, huno zwi ḁo khunyelela.

87 Ni a elelwa kha theiphi: *Vhaṇe Vhanga, Naa Ndi Tshifhinga-ḁe?* Ndi ḁo dovha nda i redza. “Elelwani, tshin̄we tshithu tshi khou ʈoḁou itea, tshihulu.” Huno zwino Tsho ita uri lushaka lwoṭhe lu ʈanzele nga Hatsho. Gurann̄ḁa in̄we na in̄we kha Khandiso ya Nyann̄ano, na muṇwe ya magazini dzashu khulwanesa, na tshin̄we na tshin̄we-vho, zwi tshi ʈanziela nga Hae, huno a zwi athu fhela lini, nangwe. Fhedzi ndi vthathu vho tondwaho hani, vha—vthathu vho tondwaho vha re vha Vhukriste, u zwi ḁivha uri kha ino awara ya swiswi, musi hu si na mafulufhelo u ya nga dzisaintsi, na bomo ya atomo yo ri lindela. Nahone a hu na mafulufhelo kha madzangano ashu, na u vhuya a vha huthihi, a khou ḁikhwaṭhisa na luswayo lwa livhanda. Huno musi mafulufhelo ashu oṭhe nga iyo n̄ḁila a si tsheeho, kha ekonomi yashu, ya vhuṭama hashu ha Tshikriste vhukati ha madzangano. Zwi khou ya kha Vhukaṭolika, vhune ha ḁo vha luswayo lwa livhanda kha dzangano la tshivhidzo.

88 Fhedzi, huno avho vha funaho Mudzimu nahone vha tshi khou lavhelela vhukuma, ha uri onoyo Mudzimu We a ita pfulufhedziso Bivhilini, u a i adza phann̄a ha tshifhaṭuwo tshashu; huno u ita tshivhidzo, na vthathu, na saintsi, na dzimagazini, na tshin̄we na tshin̄we, uri tshi limuwe uri U kha ḁi vha Mudzimu nahone u a kona u ḁadza dzipfulufhedziso. Ndi tshifhinga-ḁe nandi!

89 Zwenezwo kha Govha la Sabino nga matsheloni ayo, ndi tshi khou rabela na u mangala zwe zwa vha zwi tshi ḁo bvelela, ndo takusela zwann̄a zwanga kha Mudzimu, n̄ṭha kha ʈhodzi ya iyo thavha, ilo Banga la wela tshann̄ani tshanga; li na mufhiṇi wa perela, na gadi yaḁo khaḁo, na vhuhalini vhulapfu vhu no ʈoḁou swika fithi tharu nga vhulapfu, huno li tshi penya u fana na

metale wa khali kana u fana na khuromu, i na vhuhali ha luare. Huno a tho ngo zwi qivha zwe la vha li zwone. Huno nda ri, “Ndi a ofha izwi zwithu.”

⁹⁰ Huno nga tshifhinga tshenetsho Ipfi la amba, le la dzinginyisa govha. Ha pfi, “Ili ndi Banga la Murena.” Huno Banga la Murena ndi Ipfi la Murena, ngauri Ipfi la Mudzimu li na vhuhali vhu fhiraho ha banga la mutsheahothe.

⁹¹ Zwenezwo ndi tshi vhuyelela kha hezwo, zwenezwo, nga itsho tshifhinga, mukomana mutuku a re na tshivhindi fhanu tshivhidzoni. . . Huno o vha e liswole huno a thuthubiswa tshothe a bva zwipida e kha mmbi, katukutuku, huno a lala a nga o fa, huno a ri o vha a tshi do. . . A vho ngo ita, vhaongi a vho ngo elekanya uri u do tshila, huno o vha a sa tei u tambiswa ngae, o vha a si tsheho nga kule nga maanda. Vhutaledzi vhuhulwane mulenzheni wawe ho vha ho balea; tshanda tshawe tshituku katukutuku tsho thuthubiswa lwo vuledzeaho uri tshi nga tumuwa; mulenzhe wawe, mulenzhe muthihi wo tumuwa, zwa todou ralo. Fhedzi Mudzimu o vhona tshilidzi, a mu tshidza nahone a mu fhodza linwe divha.

⁹² Ene, Mukomana Roy Roberson, o vha e hone musi itsho tshifanyiso tshi tshi dzhiwa ngei Houston. Nga ndila ye mufumakadzi wawe a vhudzwa nga bono, zwe a vha a tshi khou zwi ita nga masiari, na nga ndila ye a vha na vhuleme na uri vhu do fhodzwa. Huno izwo zwo mu disela mutendi. Fhedzi ene, e munna wa mmbi o vha a tshi nga (ndi a fhulufhela uri u a nkhangwela kha u amba hezwi) u bva hune thungo dzothe ha vha hu tshi hwa—hwasa, ha vhukuma, hu tshi nea dzindaela kha mmbi. Sa ndaulo ya munna, o do tea u vha na swili, huno, “Itani!” Ni a vhona? Huno ene—ene o tenda, naho. Fhedzi o khwatha, huno a tshi da na tshivhidzo nahone a tshi vhona zwa ntha ha mupo, a ri, “Ndi a zwi tenda izwo, fhedzi izwo ndi zwa munwe muthu-vho.”

⁹³ Vhunwe vhusiku Murena a mu vusa, nga manwe matsheloni. Ro vha ro dzula, ene na ne, hu tshi nga ngei Yerusalema tfulani ya Tshilalelo tsha Murena, nahone ndi tshi khou amba. O kundelwa u zwi pfesesa. Huno Mukomana Roy, a re hone o dzulaho, o ntshedzaho zwa zwino, huno a zwi vhona. Huno a mmbidza, ngei Houston. . . kana nda ngei Arizona, kana a nthumela lunwalo huno nda mu founela murahu. A ri, “No vha no dzula henefho, Mukomana Branham, huno nda vhona iyo Khavhu ya Tshedza khulu i tshi dzhena ngomu huno ya ni wana, huno ya ni tswisa tfulani ya Murena, huno na ya thungo ya vhukovhela.” Ngauri o vha o dzula lurumbuni lwa vhubavuvha o ntshedza ndi tshi ya vhukovhela, huno itshi Tshedza tsha dzhena ngomu huno tsha mmbvisela nda.

⁹⁴ Ho pfi ho vha hu nga manwe matsheloni, u fana na musi ho vha hu bono. A vuwa vhulaloni, i tshi todou rwa awara

ya vhuraru kana ya vhuṇa nṯha ha tshithoma nga matsheloni, tshinwe tshithu tshi no nga tshenetsho, huno a vhoṇa izwi zwi tshi bvelela. Huno a ri o zhamba, zwi tou nga, lwa maḍuvha, “Mukomana Bill, vhuyani!” Huno Roy na nṅe ro vha ri vharathu vha vhukuma. Ri dzula roṯhe, huno ri zwima roṯhe, huno ri tou vha vharathu. Huno ene—ene o nanzhambela, u swika a tshi vha na manzaranzara mukuloni wawe, “Vhuyani! Mu vhuyiseni! Mu vhuyiseni,” a tshi khou vhidzelela. A ri nṅe... Hafha hu ḍa iyo Khavhu ya Mulilo i tshi vhuya, kana Gole ḽi a vhuya, huno A nanzudza kha ṯhoho ya ṯafula, huno ndo vha ndo no shandukiswa. Ho vha hu tshimangadzo kha Mukomana Roy, nṅe ndi tshi shandukiswa, u vhoṇala lwo fhambanaho. Ndi vhea *itshi* hafha nṯha u itela tshinwe tshithu tshine nda ṯoḍa u elelwa, “ndi tshi shandukiswa,” musi ndi tshi mu ṇea ṯhalutshedzo yazwo.

⁹⁵ Izwo ho vha hu musi ndi sa athu vhuyela Mapfundo a Sumbe. Musi ndi tshi vhuyela Mapfundo a Sumbe, zwenezwo ndo... Nga maṇwe matsheloni a fara Billy, huno a ṯoḍa u amba na nṅe. Huno ndo vha ndi tshi khou shuma, ndi tshi rabela u itela Mapfundo a Sumbe. Huno zwenezwo a mmbudza nga ha... Zwa bvelela hafhu, huno zwa dovha hafhu. Mukomana Roy, arali izwi nda zwi khakha, ni—ni ntsivhudze. Huno a ri o—o vuwa hafhu, nga—nga matsheloni, ndi a humbulela nga u ṯavhanya hafhu, nga matsheloni. Huno heneḑho a sedza lufherani huno a vhoṇa *itshi* Tshedza tshihulu, kana Gole nṯha ha thavha. O mmbudzisa, hu si kale-kale, “Naa ho vha hu na tshinwe tshithu malugana na Gole ḽi thavhani,” huno nda ri... “Bivhilini?”

⁹⁶ Huno nda ri, “Ee, musi Petro, Yakobo, na Yohane vha tshi iswa nṯha, huno Gole ḽa tsira Murena Yesu. Huno—huno Mudzimu a amba, a ri, ‘Uyu ndi Murwa mufunwa wanga.’” Ndo rera nga ha izwo fhano, hu si zwa kale-kale. Mulaedza muṯuku, vharathu vha theiphi vha nga ḍi pfesesa, *Mu Pfeni*. Ndi dzhia uri khamusi ni nawo kha theiphi. Ndi na ngoho.

⁹⁷ Huno o amba uri o gonya thavhani. Huno musi o ita, ndo vha ndo ima heneḑho. Huno Ipfi ḽa ḍa ḽi tshi bva kha Gole, (Naa ḽo vha ḽi si lone, Mukomana Roy?) huno ḽa amba tshinwe tshithu nga iyi ndzudzanyo, “Uyu ndi mulanda Wanga. Huno Ndo mu vhidza uri a vhe muporofita kha tshikhathi, u ranga phanḍa vathu unga Mushe o ita. Huno o ṇewa maandalanga, a nga amba ha vha na tshi tshilaho.” Kana tshinwe tshithu tsho raloho, u fana na Mushe o ita, u fana na u amba thunzi dza vha hone. Huno ri a ḍivha nga ha zwisindi, na zwinwe-vho, na zwithu zwo no ḍi iteaho. Hattie Wright muṯuku ngei murahu, ndi dzhia uri ni a zwi ḍivha zwe vha itea nḍuni. Huno O mu vhudza uri ndo ita zwe Mushe a ita.

⁹⁸ Huno zwino o mmbudza hezwo, a tshi tsela fhasi nga murahu ha lwe—lwendo. Huno ṯhalukanyoni yanga, ndo no dzudzanya ṯhalukanyo yanga uri ndo vha ndi tshi khou yo gonya nda ya ha

vha ha Bud, ngauri u nga tshivhumbeo tsho vhifhaho henengei ntha sa muzwimi.

⁹⁹ Ndi sa athu tuwa fhano... Ndi nga di posela ili ngomu, huno ri do tavhanya. Ndo lora muloro u kanukisaho, muloro u sa pfesewiho. Huno ndi a fhulufhela, musi mulamu wanga a tshi fara izwi, a zwi pfisi vhudipfi hawe vhutungu. Huno ndi a fhulufhela uri a thi vhaisi mufumakadzi wanga, a re hone o dzulaho zwino. Fhedzi u a zwi divha. Minwedzi i no todou swika minzhi yo fhiraho, u ya phanda, ndi zwone, ho vha hu tsini na Tshimedzi kana Lara, ndo lora uri ndo—ndo vha ndi tshi khoubuḁa—buḁa nḁa swiswini, huno nda... Zwo ralo, a—a tho ngo vha na fhethu he nda vha ndi tshi nga ya huno a hu na muthu we a ndondola, huno ndo vha ndo no vha mubva, mu—mubva fhedzi. Huno ndo vha ndi tshi khou rothola, huno nda sedza kulenyana huno nda vhona mulilo. Huno ndo no swika heneḁho, ho vha hu ḁa—ḁaleḁale la ḁorobo, huno vho vha vhe na misele nahone mulilo wo vha u ngomu ha iyi misele. Huno vhukati ha misele, ho vha hu na thophe, he vhabva vha vha vha tshi do eḁela heneḁho, uri vha wane vhududo, uri vha sa xwatuwe, vhukati ha iyi mililo, vhusiku vhu rotholaho ha vhuriha. Huno ndo—ndo vha ndi tshi rothola. Huno nda—nda sendela kha uyu mulilo, uri ndi dudele, huno wo vha u na vhabva vhanzhi. Huno vho vha... A tho ngo vhona na muthihi wavho, fhedzi vhone vhothe u fana vho vha vhe na phera kana mafhethu he ha vha hu na fhethu havho ha u eḁela. Huno nda vhona mulamu wanga, Fletcher Broy.

¹⁰⁰ Huno Fletcher, nga ndila ye nda mu elelwa. Ndi ḁwana wavhuḁi. Fhedzi iyi i nga di vha ngudo kha vhana vhaswa. Ndi a elelwa minwahani i si gathi yo fhiraho, mutḁannga o nakaho, wa James Fletcher Broy, huno a dzhena kha gogo li si lone, huno a dzhia tshinwiwa tshawe tsha u thoma. Ndi a mu elelwa a tshi mmbidzelela murahu ha dzixaradeni ḁuni yanga. Huno khotsi awe vho no ya Vhugalani, minwahani yo fhiraho, vho vha vhe ngei nḁa vha tshi lidza kaḁara, “Kha muvhundu kule-kule ho vha ho ima tshifhambano tshi hwasaho.”

¹⁰¹ Huno Fletcher a mpfounela murahu huno a ri, “Mukomana Bill, nthabeleleni. Thetshelesani itsho tshipiḁa tshine khotsi anga vha khou tshi lidza, huno nḁe ndo vha ndi tshi khou nwa ḁamusi.”

¹⁰² Nda ri “Fletcher,” mutukana a todaho u vha na minwaha ya fumimalo, nda ri, “ni songo tshimbila nga iyo ndila.” Fhedzi ho ngo tshethelesa na kathihi. O bvela phanda. U vha gobi yo vuledzeaho. Huno mufumakadzi wawe o mu tutshela, vhana vhawe, huno kha ino awara u tou vha... Huno Mudzimu u a zwi divha uri ndi a mu funa.

¹⁰³ Ndo ya nda mu rabelela, a tshi tou vha mubva. Ndo ya nda mu rabelela, hafha hu si kale-kale, o vhaishala musi ndo vha ndi

fhando u itela Mapfundo a Sumbe. Nda ri, “Fletch, ndi na swuthu mbili hangei ntha dzine nda toda—nda toda u ni nea.”

A ri, “Ni songo zwi ita, Mukomana Bill.”

Huno ndo—ndo zwi divha uri ha na zwiambaro. Huno nda ri, “Ndi ngani ni sa dzhii zwiambaro?”

A ri, “Huh-uh.” Huno a ntsedza, “Ni a vhona, ni a zwi divha zwine nda do ita ngazwo. U zwi rengisa nda kambiwa.”

Huno nda ri, “Ndi do ni nea tshelede tshukhu, Fletch.”

¹⁰⁴ A ri, “Hai, ni songo zwi ita, Mukomana Bill. A—a—a thi todi ni tshi zwi ita.” Ndi munna wa vhukuma, wa mbiluni, fhedzi o no vha gobi na mubva. Huno mufumakadzi wawe—wawe o dzhia ndila i si yone. Huno, oo, ho sokou bvelela tshinwe na tshinwe kha muthu wa mushai.

¹⁰⁵ Huno musi ndi tshi vuwa, ndi sa athu vuwa, Fletch a ri kha nne, a amba muloroni, a ri, “Billy, ndi do—ndi do ni zwimela fhethu, Mukomana Bill. No kanzwa vhananga musi vhe na ndala.” Huno a ri, “No vha ni khotsi khavho. Zwino ndi do ni wanela fhethu hafha uri ni wane vhududo.” Huno ra tshimbila na mafhethu a vhabva huno mafhedziseloni ra swika fhethu, a ri, “Ndi do dzula hafha fhasi.”

Huno nda ri, “Ndi do tshimbila hafha ntha huno nda vhona arali ndi tshi nga kona u wana fhethu.”

¹⁰⁶ Huno nda gonya, nahone nda sedza nnda vhusikuni ha swiswi, ha u rothola. Huno nda elekanya, “Edzonu zwi elekanya. Nga tshinwe tshifhinga, Mudzimu Ramaandaothe o ntendela u ranga phanda Tshivhidzo Tshawe. Nga tshinwe tshifhinga, O ntendela u rera Mafhungo-madifha Awe huno nda vhona mimuya i tshi tshidzwa. Vhanna na vhasadzi vha a da vha tshi bva u mona na shango, u amba na nne lwa miniti i si gathi. Huno ndi hone hafha zwino, mubva, huno a hu na muthu a no ndoda. Nahone ndi a rothola. Naa ndi fanela u itani?” Zwenezwo nda vuwa.

¹⁰⁷ Nda vhudza mufumakadzi wanga, nda ri, “Khamusi zwi amba uri Fletch u na thodea.” Ngauralo ra tavhanya, u vhona arali ro vha ri tshi nga mu wana. Huno mukomana wawe a mu wana. O vha a tshi khou dzula ngeno nnda na Weidners. Ngei nnda hune vha vha na . . . vha vhambadza dzibere na zwithu; vha edela khudani ya dula kana tshinwe tshithu. Nda bvela phanda na u tshimbila. Nda elekanya, “Zwo ralo, ri tea u tou zwi litsha.”

¹⁰⁸ Ngauralo nda vhuya ngeno zwino ndi tshi bva Canada, na Fred na vhanwe, linwe divha. Huno tshalukanyoni yanga, ndo vha ndo zwi dzudzanya, “Arali avha vhatu vha songo toda u pfa Mulaedza wanga, zwo luga, vho vha vha sa tei u ralo.” Ndo no rera zwino lwa minwaha i no todou swika ya furaruthanu. Huno kha minwaha yo fhiraho ya fumithanu u ya kha ya fumimalo a tho ngo ita tshithu nga nnda ha u itela Murena fhedzi. Ndo

lingedza u tshila tsini Nae nga maanda nahone nda sa ambe na ipfi u swika A tshi thoma a mmbudza, tshinwe na tshinwe.

¹⁰⁹ Vhathu vha ri, “Zwino arali Mukomana Branham a tshi ni vhudza uri u khou da, elelwani, todani mutangano, ngauri u khou da nga Dzina la Murena. A nga si ite tshithu u swika Murena a tshi vhudza. . .” Izwo ndi zwone. Ndo lindela u swika A tshi mmbudza. A tho ngo sudzuluwa u swika A tshi mmbudza. Huno zwenezwo O vha nga u ralo, kha minwedzi i si gathi yo fhiraho, Ho ngo mmbudza tshithu nga ha mafhethu ane nda tea u ya khao.

¹¹⁰ Zwenezwo nda da ngeno ndi tshi bva Canada, huno Fred a vhudza. . . Kana Mukomana Roy a mmbudza muloro wawe, vhunga ene na npe na Mukomana Banks ro namela rothe, zwenezwo ri sa athu fhandekana.

¹¹¹ Huno zwenezwo duvha li tevhelaho ra ya ngei ha vha ha Mukomana Fred. Huno mutukana wawe, Lynn, o vha a siho hayani, ngauralo o kundelwa u da na ri. Ene na mufumakadzi wawe vho do tea u lindela. O namedza mufumakadzi wawe ngei Rosewood. . . kana Melrose, Saskatchewan.

¹¹² Huno Billy na npe ro da nga thiraka ya Mukomana Fred. Uvho vhusiku ro enda nga maandesa vhusiku, na duvha li tevhelaho. Huno zwenezwo nga matsheloni a tevhelaho ro do tuwa Helena, Montana, huno ra dela thungo ya mukano.

Huno ndi—ndi nga dzula u swika i tshi todou rwa awara ya tahe ntha ha tshithoma, huno ndi a kumedza. Ndi tea u edela. Huno Billy, u toda u edela u swika i tshi todou rwa awara ya fumi ntha ha tshithoma duvha li tevhelaho, musi tshedzari tshi tshi tavha, ngauralo tshi ita uri ri ende zwavhudi nga maanda.

¹¹³ Ngauralo nda—nda karuwa i tshi todou rwa awara ya vhuva ntha ha tshithoma huno nda thoma, u reila, huno Billy o vha o edela. Ra dzhena fhethu huno ndo vha ndi tshi khou elekanya thalukanyoni yanga, “Ni a divha uri mini? Nga linwe la aya maduvha, zwenezwo ndi tshi nga wana mufumakadzi ngei ntha. . . Huno ndi nga si mu vhudze zwine nda khou yo ita. Fhedzi ndi do swika henengei ntha, huno zwenezwo ndi khou yo mu vhudza, ‘Ndi funa fhano fhethu nga maandesesa, a hu na thodea ya uri ri ye hunwe fhethu-vho. Kha ri tou dzula hafha.’” Huno izwo ndi murahu u bva kha vhutshilotshedza, maela dza madana a fuminthihi u bva hunwe fhethu-vho. Ni a vhona? Kule-kule ngei sogani. Nda elekanya, “Izwo a zwi nga do vha zwavhudi! A thi nga tei u vha na kugerele kwa mavhudzi, nahone a—a—a thi nga tei u ambara lwa vhudele. Huno ndi do tou vha mu—mugonyathavha wa misi, zwe nda toda u vha zwone tshifhinga tshothe.” Huno nda ri, “Ndi na zwinwe zwigidi, huno vhanwe vhathu vha a npea, huno ndi do vha muendedzi u fana na unga a ni athu zwi pfa na kathihi. Ndi do tou zwi funa. Zwenezwo arali Murena a tshi mmbudza uri ndi ye ngei huno

ndi vhudze muñwe muthu tshinwe tshithu, ndi ɔo gidimela nnda huno nda vha vhudza nahone nda vhuya hafhu. Huno ndi ɔo thusa Bud, huno zwa vhukuma ri ɔo vha na fhethu ha vhukuma fhano.” Ndo vha ndi tshi khou elekanya nga ha hezwo.

¹¹⁴ Ro ya ra dzhena vhuḽeloni, u ḽa, fhethu huṭuku thavhani, zwenezwo i tshi ṭoḽou rwa awara ya sumbe nṭha ha tshithoma. Tshifhinga tsho vha tshi tshi khou ṭuwa, ngaurolo nda vusa Billy. Ro vha ro fhelelwa nga piṭirolu, ngaurolo ro ɔo tea u wana inwe piṭirolu. Huno ra dzhena ngomu fhano fhethu huṭuku, uvhu vhuḽelo vhuṭuku. Huno musi ri henefho, munna a pfuka tshiṭaraṭa, khamusi o aluwa zwiṭuku u fhira nṅe, fhedzi o vha a tshi nga munna, kha nṅe. O vha e na phere ya maovaroḽo, badzhi ya ovaroḽo, mabutswu a u namela, muṇadzi mutswu, ndebvu dzo nembelela fhasi ha tshifhaṭuwo tshawe nga ndila *iyi*, dzo tshena sa mahaḽa, mavhudzi awe o nembelela u bva nga fhasi, murahu ha muṇadzi wawe. Nda elekanya, “Uyo u nga munna.” Hu si muñwe a sa dini, wa u bvafha, e na sigara mulomoni wawe, i re na vhulapfu *vhungafho*, o dzula o ambara phere ya dzishothi, huñwe fhethu hu si na ṭhanga kana dzivhani ḽa u bambela, muñwe Mubvavhubvaduṽha a re na tshiḽelo, nga u tou ralo. Pfarelo kha iḽo ḽiambele. Fhedzi, naho zwo ralo, uyo muthu o vha a tshi nga munna, kha nṅe; o khwaṭha, a tshi hwasu. A tshi nga o tshila he Mudzimu a itela munna uri a tshile. Huno ndo vha ndi tshi khou mu tama.

¹¹⁵ A dzhena ngomu vhuḽeloni huno a oda khekhe dza pani. Ho vha hu na vhathu vha no ṭoḽou swika fumiṭhanu, fumbili. O ɔo tea u atsamula. Huno ni a zwi diṽha nga ndila ine vhañwe vhathu vha ɔo... [Mukomana Branham u edzisa u fhelisa nyatsi—Mudz.] Mpfareleni. Fhedzi a litshedza nyatsi khulukhulu ya mutakalo, ya ṭhanda, “Ker-choo-ee!” Nṅenṅe, ho vha hu tshi nga mafasiṭere o thuthuba. Musi o ita, a hu na we a edza u amba tshithu. Hai, muṅe wanga. Nda ri, “Billy, ngoyo munna ane mbilu yanga ya mu takalela.”

A ri, “Aw, khotsi, a vha ṭoḽi u fana na . . .”

“Izwo ndi zwine, uyo ndi nṅe tshifhingani tshi ɔaho.” Ni a vhona? Nda ri, “Uyo ndi nṅe.”

¹¹⁶ Huno nda dzula henefho zwiṭukunyana, huno Billy a ntsedza nahone a dzulela u ḽa khekhe dza pani dzawe, nahone nṅe—nṅe ndo no fhedza dzanga. Nga miniti i si gathi, muñwe muthu, kha tshifhaṭo tshi re na ṭhanga nga phanda hashu, na dzibodo nga *iyi* ndila, murahu ha tshifhaṭo tshi re na ṭhanga, ndo kundelwa u vhona u mona hoṭhe. Munna a takuwa, uyo o vha a tshi nga mbumbo yanga kokotolo, wa minwaha i no ṭoḽou swika fusumbethanu nga vhukale, muthu muṭukunyana. Zwiambaro zwawe zwo vha zwo vhoḽhelelwa khae, zwo kherukana. Huno khonani ye ya takuwa nae yo vha i Fletcher Broy, kokotolo, mmvi dzi tshi khou nembelela tshifhaṭuwoni tshawe. Huno Billy

a sedza u mona hothe, a ri, “Khotsi, avho vha nga vhone na Fletcher.” Ni nga elekanya uri ndo dipfa hani. Huno muthu mutuku, o vha a tshi nga nne, a thengathenga. Inwi. . . Vho vha vho ima muliloni wa gammba, vhe na vhutsi hothe-hothe, zwifhatuwo zwi na tshika. Ndi elekanya uri vhuragane havho, hothe, munna u fanela u vha o badela sente dza fumbili, khamusi khaphu ya gofhi kana tshinwe tshithu. Mbilu yanga ya bamba ngomu hanga. Huno nda sedza. Huno Billy a ri, “Naa thaidzo ndi mini nga vhone?”

Nda ri, “A hu na.” Huno izwo nda zwi sedza, huno vha mona hothe huno vha bva.

A ri, “Khotsi, naa thaidzo ndi mini?”

Nda ri, “A hu na.” Huno a dzhena modoroni. Nda ri. . .

A ri, “Naa vha nga vhilaela u reila hafhu?”

Nda ri, “Hai.”

A ri, “Ndi kha di kumedza.”

¹¹⁷ Ngauralo a ya u edela, huno nne nda gidima nga luvhilo ndilani, maela dzi no todou swika futhanuthanu nga awara, thirakani, nthha ha thavha, ndi tshi da u yela mu—mukanoni, fhasi u ya. . . Ndi tshi da hayani u ya Arizona, fhedzi zwino ndo vha ndi tshi dzhena Utah. Huno musi ndi tshi swika heneffho, ndi tshi tsela fhasi ndi tshi bva dzithavhani, maela dzi no todou swika dza fumbili nnda ha dorobo, hu tshi tou nga arali. . . No no zwi pfa, vhunga ndo ni vhudza nga ha nga matsheloni nga ha zwisindi, na izwi zwithu zwothe, nga ndila ye tshinwe tshithu. . . Munwe muthu o swika he a amba na nne, Ipfi li no tou fana na musi ni tshi khou pfa langa. Ndi a zwi divha uri zwi pfala zwi zwa mazhuluzhulu. Fhedzi vhunga ndi na u bula, “Naa ndo no vhuya nda ni vhudza tshinwe tshithu nga nnda ha tshee tsha vha tshi tshone?” Huno i—Ipfi la amba. Ndo vha ndi tshi khou amba Nae.

¹¹⁸ La ri, “Vuledza pulani dzau huno u do vha nga u ralo.”

Nda ri, “Murena, a thi todi u vha nga u ralo.”

¹¹⁹ Ha pfi, “Mufumakadzi wau u do tuwa, na ene-vho. A nga si tshile ngei nthha mivhunduni yo ralaho. Huno iwe u do vha mubva vhunga muloro wo u sumbedza uri u do ralo.”

¹²⁰ Nda ri, “A thi todi u vha izwo, fhedzi hone. . . A—a—a thi todi u tea u tshila nga u ralo. Ndi—ndi khou todou ita tshinwe tshithu tsho fhambanaho. Fhedzi ndo—ndo vhudzwa uri—uri Wo mmbidzela uri ndi vhe mu—muporofita, huno ndi todou tshila sogani u fana na muporofita.” Fhedzi ndo vha ndi tshi khou shumisa u ditanzwa hanga u itela uri ndi kone u zwima; u farisa nne mune.

¹²¹ Huno A ri, “Fhedzi avho vho vha vhe vhaporofita vha Testamente Ndala. Wo vhidzwa uri u vhe afho vhuimoni ha

nthesa u fhira uvho.” A ri, “U na zwifhiwa zwo engedzeaho nga nnda ha hezwo. Wo vhidzwa uri u rabelele vhalwadze na u rera Mafhungo-maḍifha. Huno nga tshivhumbeo tsha vhuapostola, u a ḍivha nga ha—nga ha zwithu zwihulwane, zwifhiwa zwihulwane zwinzhi.” A ri, “Naa ndi ngani u tshi lindela Nṅe u u sudzulusa tshifhinga tshiṅwe na tshiṅwe u tshi sudzuluwa? Naa mukovhe wau u ngafhi?” Zwenezwo nda vhona. Huno zwenezwo ha pfi, “Naa u a elelwa?” Ndo u vhudza...?...” “Naa u a elelwa zwe Mukomana Roberson a u vhudza muloroni wau, muloroni wawe, kana bono? Uri wo ita u fana na Mushe. Wo hangwa vhuḍipfi ha vhatu vha hau. Wo hangwa mbidzo ye Nda u vhidzela yone.”

¹²² Ndi litsha vhalwadze vha tshi lala. Ndi ṭoda Murena a tshi mmbudza uri ndi ye ngafhi na hune nda sa tee. Izwo zwo khakhea. Ndo ḍifhaṭela vhuḍinyadzi, ngaauri vhatu vha songo pfa Mulaedza wanga. Huno arali ni tshi ḍo... Huno Mudzimu u a dzivhisa uri ndi ḍe ndi vhambedze vhutshilo ha zwino u fana na Mushe, fhedzi izwo ndi zwone kokotolo zwe Mushe a ita. Vhatu a vho ngo mu thetshelesa musi a tshi ḍa u vha phulusa, ngaauralo o tou vha litsha vhe vhoṭhe huno a dzeha sogani, fhedzi Mudzimu o mu rembulusa. Huno o vha o no hangwa kale vhatu vha tambulaho.

¹²³ Huno zwenezwo nda ri, “Murena, arali...Naa ndo vha, izwo ndi zwone, ndi si na pfunzo, ndi na pfunzo ya girama ya tshikolo, ndi tshi nga kona? Huno vhatu vho vha vha tshi ḍo ima midubani na huṅwe na huṅwe, u pfa Mafhungo-maḍifha zwao.” Ndi o engedzeaho, ndi mahulwane zwino u fhira zwe a vha e zwone kha Mulanga wa Kale. O gonya Nṱha huno a ṅea vhatu zwifhiwa. Ni a vhona? Yesu Kristo ha shanduki mulovha, ṅamusi, na lini na lini. Zwenezwo ndo vha ndi tshi khou amba, huno nda pfa Ḳi tshi khou amba na ṅṅe. Huno Ḳa ṅṱutshela.

¹²⁴ Huno nda ri, “Billy.” Huno o vha o eḍela mbwandambwanda. Nda ri, “Billy, naa uyo o vha e inwi?” Huno ho ngo vhuya a karuwa.

¹²⁵ Huno nda elekanya, “Murena Mudzimu,” nda fhungudza luvhilo lwa moḍoro wanga, “naa izwi zwi ambani?”

Huno nda ri, “Billy. Billy.”

Ha pfi, “Naa vha ṭodani?”

Huno nda ri, “Ni khou amba na ṅṅe?”

“Hai. Ndi ngani?”

¹²⁶ Huno nda ri, “Ndi ṭodou ni vhudza tshiṅwe tshithu. Ndo lora muloro hu si kale-kale. Ni a elelwa ndi tshi vhona uḷa muthu we a vha a tshi nga ṅṅe na Fletch? Vhudzisani mma musi ni tshi humela murahu Tucson, ndo vha vhudza uyu muloro. Huno, Billy, hu na tshiṅwe tshithu tshi no khou bvelela, Tshi khou bvela

phanda zwino. Tshinwe tshithu tsho vha tshi tshi khou amba na nxe, huno ndo—ndo elekanya uri Ho vha hu inwi.”

127 A ntsedza nga ndila i no nga isili, huno a lindela zwiṭukunyana, ro vha ri tshi khou reila. Ngaualo, miniti i si gathi, a vhuzelela u edela hafhu. Huno ndo vha ndi tshi khou di reila, ndi tshi khou elekanya nga ha uri naa izwo zwi nga ambani? Ndi tshi khou di reila, heneṭho ndilani, huno, khathihi fhedzi, hafha Li a da li tshi khou amba hafhu.

128 Huno A ri, “Huma! Naa A tho ngo u vhudza, mathomoni, u ita mushumo wa muevangeli? Musi Ndi tshi u vhidza, fhasi mulamboni, naa A tho ngo ri, ‘Vhunga Yohane Mulovhedzi o ruṅwa u ranga phanda u da ha u thoma?’ Naa Yohane o vha a sa fhiri muporofita? Yesu o amba nga u ralo, Ene muṅe. ‘Naa no vha ni tshi do bva u yo vhonani, muporofita?’ Ha pfi, ‘A fhiraho muporofita.’”

129 Zwenezwo zwoṭhe zwa thoma u da kha nxe. Nda thoma u—u mangala. Zwenezwo A nkumbudza hafhu nga ha—nga ha vhathu. Hani, nga u ita zwe Mushe a ita, naa Mushe o vha a tshi nga kona hani u swikelela vhathu sogani? Huno ndo vha ndi tshi nga kona hani u swikelela vhathu sogani? Kokotolo zwenezwo zwithihi. Zwenezwo zwi da kha hezwi, Timotheo ya Vhuvhili 4. Ni a elelwa musi ro kumedza kereke nga matsheloni ayo, miṅwaha ya furaru yo fhiraho, vhaṅwe vha vhoṅwi vhakale, musi A tshi ntsumbedza miri huno nda i ṭavha matungoni oṭhe? Ni a zwi elelwa izwo? Ni elelwa bono. Loṭhe lo ṅwalwa dzibuguni na kha dzitheiphi na tshinwe na tshinwe. Ho no fhela miṅwaha yo fhiraho, nga ndila ye nda vhona izwi huno a—a tho ngo sinyusa Vhuthihi na Vhuraruthihi. Ndo ima vhukati havho huno nda ṭavha iyi miri, huno yo vha yone miri mivhili i yoṭhe ye ya vha na mutshelo. Huno ndo . . . Miri yoṭhe yo aluwa fithi dzi no ṭodou swika furaru huno ya ima. Iyi yo ya ngomu Ṭadulu thwii; ya vunḑea kha davhi leneṭlo lithihi. Ni a vhona? Muṅwe thungo inwe na muṅwe kha inwe, huno ndo i vunḑa. Ni a elelwa bono. Ni a vhona? Zwo ṅwalwa dzibuguni nahone zwi kha nganeavhutshilo yanga na zwoṭhe. Huno yo ya nthā ngomu Ṭadulu thwii nga u ralo, nga u ṭavhanya. Huno A ri, “Bvisela nṅda zwanḑa zwau u itela mutshelo.” Huno zwenezwo nda wana mutshelo wonoyo muthihi tshifhambanoni, musi ndi tshi gidimela heneṭho. Huno A ri, “Ita mushumo wa muevangeli. Ḑadzisa mushumo wau. Huno tshifhinga tshi do da musi vha sa do konḑelela pfunzo i pfalaho.’ U songo vha litsha-ha. Bvela phanda na u tshimbila.” Izwo zwoṭhe zwi dzhena ṭhalukanyoni yanga.

130 Huno zwenezwo ndi elelwa uyu Marilyn Monroe, musidzana we nda mu vhona a tshi fa vhege i tshi ṭodou fhela a sa athu fa, na nga ndila ye vha ri o ḑivhulaha, ngeno a songo ita. Nda vha vhudza nga hazwo, a sa athu, zwe zwa vha zwi tshi do bvelela, huno zwa ita. Huno vhunga zwo ita vhoramavili ngei nthā; muṅwe o vha a tshi khou yo vhlula muṅwe. Ndo khakha

nda dzhia uri uyo musidzana ndi ene. Hu na muñwe musidzana henefho, muzwala wawe ndi—ndi—ndi Danny Henry. Naa dzina lawe ndi lifhio? Jane Russell. Muzwala wawe, mutukana wa Baphuthisi.

¹³¹ Huno ndo vha ndi tshi khou rera ngei Los Angeles, kha vhuragane ha Vhanna vha Bindu. Huno Tshinwe tshithu henefho tsho lala afho fhasi kha ayo madzangano, huno henefho ho dzula muhulwane wa Dzikhuvhangano, na vhunzhi ha vhahulisei vhahulwane vho kuvhangana ngomu henefho. Huno musi ndo no fhedza u amba nahone ndo no thoma u ũuwa pulatifomoni, ndi tshi khou dilugisa. . . Ngauri, Mulaedza wo vha u tshi khou rumelwa nnda kha lu—lu—lushaka lwothe, kha radio, huno ho do tea u shanduka murahu. Kha iyi tshanduko, musi vha tshi tumula radio, zwenezwo, u rumela Mulaedza uyo nnda, huno ha vhuiwa nahone ha divhadzwa tshiũtshi. Huno ndo vha ndi ha vha ha Clifton, hune ra vha na vhuragane. Huno musi ndo vha ndi tshi khou tshimbila u bva kha pulatifomo ya ntha u ya kha ya fhasi, muthu muswa wavhuũi a vhonealaho o naka wa minwaha i toũaho u swika ya furaru nga vhucale, a gidima huno a nkuvhatedza nga zwanda zwawe. A ri, “Ndi nne Danny Henry.” Huno ndi sa zwi divhi uri uyo o vha e mukomana wawe a no khou hasha kha thelevishini. Huno, uh, tshi hasha kha thelevishini henefho u itela Vhanna vha Bindu vha Vhakriste. Huno ndi Jane Russell, uyo makone wa filimu, muzwala wawe. Mme awe ndi mureri wa Pentekoste.

¹³² Huno zwenezwo musi vha tshi thoma u nngidimela, huno a nkuvhatedza nga zwanda zwawe, huno a ri, “Mudzimu a ni fhatutshedze, Mukomana Branham.” A ri, “Ndi a fhulufhela uri izwi a zwi pfali zwi u tambuludza, fhedzi, u ya nga ndila yanga ya u zwi vhone, uyo Mulaedza u do vha ndima ya 23 ya Nzumbululo.” Huno musi a tshi amba hezwo, a thoma u amba nga dzindimi. Mutukana ane a vha uri ha athu vhuya a pfa nga ha tshithu tshi no nga tshenetsho, Mubaphuthisi nga dinomineisheni. Huno zwenezwo. . . A tshenuluwa, huno a ntshedza. Ho ngo divha zwe a vha a tshi nga ita. Hu na munna o dzulaho hafha we a vha e hone. Naa no vha ni henengei, Fred? Naa ho vha hu na vhangana nga itsho tshifhinga? Iina, hu na vhararu hafha, vho vha vhe hone nga itsho tshifhinga. Huno ho ngo divha uri a nga ri mini.

¹³³ Huno ho vha hu na musadzi muhuluhulu wa Fura o dzulaho ngeno fhasi. A takuwa, a ri, “Mulandu, izwo a zwi toũi inwe tshalutshedzo-vho. Itsho tsho vha tshi Tshifura tsho tumbaho.”

Mutukana a ri, “A thi divhi na ipfi na lithihi la Tshifura.” Huno ene o vha o nwala fhasi zwe a amba.

¹³⁴ Huno zwenezwo ho vha hu na munna o dzulaho khudani, a ri, “Izwo ndi zwone. Ndo zwi nwala fhasi zwe a zwi amba, ndi Tshifura.” Murahurahu ngei murahu, muthu wa mavhudzi

matshena, a vhonekalo o naka, o ima o ditika nga luvhondo, a da phanda huno a vhambedza dzinotsi. O vha e mutalutshedzi wa U.N., wa Tshifura. Huno uyu munna nga hangeno o vha e Victor Le Doux, wa tshivhidzo tsha Arne Vick ngei nda, huno o zwi nwa fhasi. Huno ndi na thalutshedzo yazwo.

¹³⁵ Thetshelesani hezwi, arali ndi tshi nga zwi vha.

“Nne, Victor Le Doux, ndi Mufura wa malofhani; Mukriste o bebwaho hafhu, o dalaho Muya Mukhethwa. Diresi yanga ndi 809 North King Road, Los Angeles 46. Ndi ya Thembeni ya Bethel, Mufunzi Arne Vick, mufunzi. Thalutshedzo ya ngoho ine nda i divhadza, ya vuporofita yo ambelwaho Mukomana Branham, yo newaho nga Danny Henry nga Tshifura, nga la vhu11 la Luhui, 1961, kha vhuragane ha Vhanna vha Bindu vha Mafhungo-madifha o Dalaho. Thalutshedzo ya ngoho ya vuporofita.”

¹³⁶ Zwino, ngezwi zwe Ha amba.

Nga uri iwe wo nanga ndila tsekene, ndila i kondaho, iwe wo tshimbila kha u nanga ha iwe mune.

Zwino, izwo ndi a kona u zwi vhona. Mushe o do tea u nanga, na ene-vho. Ni a vhona?

Iwe wo dzhia ndila ya vhukuma nahone i re yone, tsheo i re yone, huno ndi NDILA YANGA.

Ho talelwa, “NDILA YANGA,” Muya Mukhethwa u tshi fhindula.

Nga nthani ha iyi tsheo ya ndeme, tshipida tshihuluhulu tsha Tadzulu tsho u lindela . . . lindela iwe.

Ndi tsheo ya vhugala-de . . . (Zwino thetshelesani zwavhudi.)

Ndi tsheo ya vhugala-de ye wa ita. Iyi kha yone ine ndi iyo i no do ita, huno ya khunyeledza, gundo lihulusa kha lufuno lwa Mudzimu.

¹³⁷ Ni dzihlala nzhele, ndi liiti nga phanda ha liqadzisi. Ni a vhona, Tshifura. Zwino mutalutshedzi wa U.N. izwo o zwi talutshedza. Huno mutukana ha divhi na ipfi na lithihi, na kathihi ha athu pfa—na kathihi ha athu pfa nga ha tshithu tshi no nga tshenetsho tsha u amba nga dzindimi. O vha e Mubaphuthisi. Zwo sokou itea a dzhena ngomu heneffho, huno a pfa uyo muzika, huno a ri . . . a da heneffho ntha huno a ima heneffho huno a thetshelesa ndi tshi rera.

¹³⁸ Zwino, “kha lufuno lwa Mudzimu,” lufuno lwa Mudzimu. Naa ulwo lu nga vha hani lufuno lwa Mudzimu arali lu si mu—Muya Mukhethwa? Muya Mukhethwa ndi lufuno lwa Mudzimu.

¹³⁹ Zwino, huno musi Billy na nne ro thoma u tshimbila ndilani, ni a vhona, ra thoma u tsa nga ndila, Billy a ya u edela hafhu. Huno la ri, “Ndi do u nea tshiga tsha lini na lini.”

140 Huno nda ri, “Murena, ndi mini...” Nda lindela zwiṭukunyana huno ha sa bvelele tshithu. Nda ri, “Naa tshiga tsha lini na lini ndi mini, Murena?” Huno nda lindela lwa miniti i si gathi. Huno nga itsho tshifhinga nda sedza nga hangei u vhona Billy; o vha o eḑela.

141 Huno A ri, “Ndi ḑo u ṇea tshiga tsha lini na lini,” hafhu. A ri, “Sedza thungo ya vhukovhela u bva hune wa vha hone.”

142 Huno nda rembulusa ṭhoho yanga ngaaurali ṭhirakani, u sedza; nda fhungudza luvhilo, ni a ḑivha. Huno, yawee, ṇṇenṇe, Muya wa Murena! Nda pfa ndi tshi nga ndi nga zhamba na u vhidzelela. Huno nda sedza, huno nda sokou vhona thavha i na dzikhephe tshena khayoy. Nda ri, “A thi ḑivhi, a thi vhoni tshiga tsha lini na lini nga ha hezwo.”

143 A ri, “Dzina ḑau ḑo ṇwalwa khayoy ṇṭhe.”

144 Oo, nda elekanya, “Naa izwo ndi mini?” Huno nda fhelungo zwa vhukuma huno nda thoma u ima.

145 Huno Billy a takuwa huno a ri, “Naa thaidzo ndi mini nga ha vhone?” Huno nda kokodza zwanḑa zwanga ngaaurali, biko ḑi tshi khou rotha tshandani tshanga, nahone mahaḑa a tshi khou wa.

146 Nda ri, “Billy, tshinwe tshithu tshi khou bvelela. Nga tshinwe tshifhinga ndi a ḑivha he nda khakha hone. Ndi a ḑivha uri ndo kundela Mudzimu.” Huno ho vhone hu tshi nga ndi nga pfa ulwo luimbo lu tshi imbiwa, huno nda vhona zwigidi zwa vhathu vho vanganaho, vha vhaholefhali, vha ṭudzaho, vho populaho, na vho omaho miraho; nda pfa khwairi, ipfi ḑa ḑinwe ipfi ḑihulwane ḑi ḑivheaho, ḑi tshi khou imba:

Ho ngo kuna! Ho ngo kuna! Mimuya mivhi yo
mu khada. (Ni a ḑivha luimbo.)

Zwenezwo Yesu a ḑa huno a vhofoholola
mathubwa.

147 Ndo kona u vhona miduba ya vhalwadze i huṇwe na huṇwe, huno nda tea u ima. Billy ho ngo zwi ḑivha uri izwo zwo vha zwi tshi khou itea. Huno nda sedza ṇṭha.

148 Nda ima huno nda sedza ṇṭha ha thavha, huno nda vhona iyo mivhundu ya sumbe. Zwino, fhano, arali ni tshi ṭḑou vhona tshinwe tshithu. Ho vha hu na ṭhodzi dza sumbe ṇṭha ha thavha, thavha nthihi, i no gidima lwa maela dza tshivhalo. Thavha ya u fhedza ni sa athu dzhena kha ḑinwe shango; a hu tshe na dzithavha nga murahu ha heyoy. Huno yo vha i tshi khou gidima u bva vhubvaḑuvha u ya vhukovhela, sethe ya thavha, huno yo vha i na khephe dza mahaḑa nga ṇṭha.

149 ṭhodzi mbili dza u thoma ṭhukhu, huno ha tevhela ṭhodzi khulwane; huno ha tevhela inwe ṭhodzi ṭhukhu, huno ha tevhela ṭhodzi khulwane; huno ha tevhela ṭhodzi ṭhukhu, huno ha tevhela khulwane, khulwane nga maanda, ndapfu, thavha i re na

khephe dza mahaḁa. Huno nda ri, “Murena, a thi pfesesi zwine izwo zwa amba.”

150 A ri, “Naa hu na ṭhodzi nngana heneffho?”

151 Nda ri, “Hu na dza sumbe.”

152 “Naa hu na maḁedere mangana dzinani lau?” B-r-a-n-h-a-m, M-a-r-r-i-o-n B-r-a-n-h-a-m.

153 Huno ho vha hu na ṭhodzi dzi kungaho tharu. A ri, “Idzo ṭhodzi tharu ndi mururo wa u thoma, wa vhuvhili, na wa vhuraru. Ya u thoma yo vha i tshipiḁa tshau tsha u thoma tsha mushumo wau, muvhundu muṭuku; ha tevhela mururo wau wa u thoma, nṭha nga maanda.” Ni a ḁivha, tshiga tshandani. Zwenezwo ho vha na tshiawelo tshiṭuku ngomu heneffho, tshifhingani tsha musi ndi tshi dzhiwa nga nwambo wa u netesa. Vhunzhi haṇu ni a zwi elelwa. Huno zwenezwo hu ḁa vhuṭalukanyi, mururo wa vhuvhili. Zwino ndo ḁo vha na inwe, lwa minwaha i no ṭodou vha i si gathi fhano ya dzi no tou nga ṭhodzi ṭhukhu, ni a vhona, murahu u tou fana na musi mushumo wanga wo vha u sa athu vha hone, huno zwenezwo hu ḁa wa vhuraru.

154 Raru ndi nomboro ya mvuledzo, ni a vhona, wa vhuraru. Ṭhodzi i tevhelaho yo vha i ṭhanu, nomboro ya tshilidzi. Huno ṭhodzi i tevhelaho yo vha i sumbe, nomboro ya—ya u fhelela, vhu fhelo. “Nga maḁuvha a rathi iwe u shume. La vhusumbe ndi Sabatha,” vhu fhelo ha vhege, vhu fhelo ha tshifhinga. Ni a vhona? Huno nda ima huno nda i sumbedza Billy. Huno nda dzi sedza.

155 A ri, “Izwo, izwo kha zwi ime. Arali hu tshi vha na u timatima ṭhalukanyoni yau, elelwa fhano fhethu, vhuya hafha.”

156 Huno Billy a nthwa kha shaḁa, a ri, “Khotsi, kha vha sedze u yela thungo ya vhu kovhela!” Na nga nḁila ye zwa vhuya zwa bvelela, a thi ḁivhi, fhedzi ngei thungo ya vhubvaḁuvha ya nḁila ho vha hu na ilo ḁaleḁale li no khou duga. Dzimaela na dzimaela u bva kha luṇwe lushaka-vho lwa ḁorobo, ḁaleḁale la kale la mathukhwi li heneffho nga thungo ya tshanda tsha monde tsha nḁila.

157 Ndi khou humela tsimuni. Amene. Ndo aluwa kana ndi muswa, ndi a tshila kana ndi a fa, ndi ḁo thetshelesa Mudzimu u swika lufu lu tshi mbofholola. Ndo kundela Murena, ndi sa khou zwi funa. Kana ndi a ita . . . Ndo lingedza . . . Kha ndi longe izwi. Ni a vhona? Hu tshee na inwe theiphi yo salaho? Kha ndi longe izwi. Ndo ṭoda, ndo ṭoda u vhona Yesu Kristo a tshi vhonadzwa hu si na luvhadzi na luthihi. Huno vharathu vha no pfa iyi theiphi, na uyu muraḁo wa tshivhidzo, u bva kha lino ḁuvha, tsho itisaho uri ni si vhe na badzi, na tsho itisaho uri iyi minwaha yoṭhe ni nga si kone u amba tshithu tshithihi tshe tsha vhuya tsha ambiwa kana u itwa nga nḁa ha tshe tsha bvelela. Ndi itela khaedu nnyi na nnyi u ḁisa tshinwe tsha zwithu zwa zwigidi

kha pulatifomo, na vhuṭalukanyi, na mvumbo ya zwine zwa ḑo bvelela; zwo bvelela kokotolo hu tshi tevhelwa zwidodombedzwa zwoṭhe. Zwino, tshivhidzo tshi a zwi tenda izwo, i ri ni, “Amene,” ngauralo izwo... [Tshivhidzo tshi ri, “Amene.”—Mudz.] A hu na muthu shangoni ane a nga sumba tshithihi. Fhedzi kha zwi ḑivhee kha tshivhidzo fhano na kha tshivhidzo tshi ḑaho: arali Mudzimu a tshi sukumedza munna nga kha phaiphi, huno a sa sudzuluwe na luthihi u swika Mudzimu a tshi mu vhudza, a hu na lutendo lwo ṭuṇwaho nazwo. Ndi Mudzimu a no khou ni sukumedzela kha tshinwe tshithu. Huno zwo fhaṭa mushumo u swika fhethu hune a hu na muthu ane a nga amba ipfi lithihi la u lwa nazwo. Fhedzi u bva zwino, kha ndi ambe na vhoiwi u thoma nga Dzina la Murena, ni sa athu thetshelesa, ngauri ndi fanela u bva nga lutendo. Ndi fanela u zwi ita nga lutendo, kana ndi elekanya uri ndi zwone kana zwo khakhea, kana mini. Ndi ita zwa khwinesa zwa u nanga hanga, huno zwenezwo nda ya nda zwi ita. Ngauri zwi songo khakhea, ndi ngauri ndo lindela u swika A tshi mmbudza u ya nda zwi ita. Ndo Mu lindela. Ngauralo ho vha hu si nṅe; ho vha hu Ene.

¹⁵⁸ Fhedzi, ni a vhona, na Mukhethwa Paulo muhulwane o vha vhukati ha zwitimatimisi nga tshinwe tshifhinga. Huno zwifhinga zwinzhi zwe Mudzimu a ita zwithu kana a tendela vhalanda Vhawe u zwi ita, zwe zwa vha zwi dzikhakho, u itela u sumbedza izwi zwithu. Zwino, ri a zwi ḑivha uri vthathu vha a ita dzikhakho, fhedzi Mudzimu ha iti khakho. Fhedzi zwino arali nda dzhena tsimuni ya u rera, huno ndi tshi khou tshimbila nga ṇḑila ine nda—nda ita, zwenezwo ndi tea u dzudzanya mitangano phanḑa nahone—nahone nda ita uri zwithu zwi dzudzanyee. Huno ṭhanwe itshi ndi itsho tshifhinga tshihulwane tshi no khou ḑa tshe ra vha ri tshi khou tshi lavhelela. Huno nga ngoho arali “Iyi kha yone ine ndi tshithu tshihulusa tshi no ḑo khunyeledza, huno tsha ita uri hu khunyelele, gundo lihulusa kha lufuno lwa Mudzimu,” huno ilo ndi liiti phanḑa ha liḑadzisi, zwenezwo ndi lufuno lwa Mudzimu, lune lwa vha Mudzimu. Ni a vhona? Huno zwi dzhia lufuno lwa Mudzimu u nzambuwa henefho mudubani wa nga phanḑa na u ima vhukati u itela vthathu.

¹⁵⁹ Huno avha Rickies na Rickettas, vho nyadzaho nga maanḑa maipfi, huno ndo vha vhidza “Ricky” na “Ricketta,” Mudzimu u nṅea u pfesesa uri ndi songo zwi ita izwo, ngauri vhunzhi havho vha kha ḑi vha vhana Vhawe. Nṅe ndi . . . Vha nga si kone ngauri vha ḑifara nga ṇḑila yo fhambanaho nga maanḑa. Zwiṇwe zwa izwi zwivhidzo zwa kale, zwi rotholaho zwa maitele zwi navho, uyo muya khavho, huno vhone nga vhunzhi vha ngomu—ngomu dzhele vhunga Israele yo vha i dzhele, u lingana na zwe Mushe a tsela fhasi u vha phulusa vhupulini. Vthathu vhe vha funa Yesu Kristo, vha ḑo Mu shumela arali vha tshi ḑivha fhedzi tshine vha tea u Mu shumela ngatsho. Huno vha vhupulini fhasi

ha vhudinomineisheni vhu no vha vhudza, “Ni songo ita *itshi*, nahone ni songo ita *itsho*.”

¹⁶⁰ Fhedzi mbidzo ya Mudzimu i fanela u ḑa, “Ane a ṭoḑa u matsha u yela Shangoni lo fulufhedziswa, kha matshe.” Ri ṇḑilani yashu ya u ya Shangoni lo fulufhedziswa. Amene. Kha vha ḑe, vha matshe. Ri ṇḑilani yashu ya u ṭangana na Kristo tshifhinganani tsha vhufhelo. Huno ndo ṭoḑa u ḑisa izwi kha inwi uri ni vhone, huno nda ni sumbedza iyo, khakho ine muthu a nga ita, nangwe a tshi fulufhedzea.

¹⁶¹ Mushe o xelelwa nga vhuḑipfi ha vhathu vha hawe nge vha sa mu thetshesele. Huno, Mukomana Roy, ni a vhona muloro waṇu? Huno zwino ndi nga si kone u ṭuwa, nga mushumo u no nga uyo, u swika ndi tshi pfa lwo fhambanaho mbiluni yanga malugana nazwo, a hu londwi arali Mudzimu o mmbudza. Fhedzi iyo ndi iyo tshanduko ye Mukomana Roy . . . we a i vhona i tshi khou ḑa. Tshinwe tshithu tshi tea u ntshandukisa, ngauri nṇe, mbiluni yanga, arali nda bva nda ya henengei ndi na vhuḑipfi vhune nda vha naho zwino; ndi kha ḑi pfa uri vha tea u vha vho pfa uyo Mulaedza, vha tea u vha vho zwi ita. Huno a thi na vhuḑipfi ha vhathu vhune nda tea u vha naho. U swika ndi tshi nga wana uvho vhuḑipfi, a hu na ṭhoḑea ya uri nṇe ndi ye, ngauri ndi ḑo vha muhoi.

¹⁶² Huno iyi minwaha yoṭhe ndo lingedza u Mu shumela nga mbilu ya ngoho, huno ndi nga si bve nda ya henengei ndi muhoi. Ndi tea u zwi pfa izwo, zwauro a si *Ricky* na *Ricketta*, nahone a si itshi *tshivhalonyana*. Ndi vhana vha Mudzimu vha re vhupulini, huno ndi fanela u ya khavho. U swika ndi tshi nga pfa nga iyo ṇḑila, ndi ḑo tea u bvafha u mona hoṭhe, nda rera dzinwe khuvhangano na zwithu, fhedzi nda lindela.

¹⁶³ Ndi na luimbo luṭuku. Ndi nga si kone u imba. Ndi ḑo tou takalela u ni redzela lwone. Vharathu, ndo sokou nga ndi a lu vetaveta. A lu athu ḑala. A lwo ngo ṇwalwa zwone. A thi ḑivhi uri kana ndi nga vhuya nda lu vhalala kana hai. Lu nga tshuni ya *Ngosha Ya Nndwa Ya Riphabuliki*, “Vhugala, vhugala, haḑeḑuya!” No no lu pfa. “Vhugala, vhugala, haḑeḑuya!” Naa ndi vhangana? A hu na zwinwe, izwo roṭhe ro zwi pfa.

Mureri munameli wa sekhuthi o tshimbila o
namela kha shango,
E na tshigidi kha shaḑa ḑawe na Bivhili
tshandani tshawe;
A vhudza vhathu vha luṭandala nga ha Shango
lo fulufhedziswa lo fhatutshedzwaho,
Musi a tshi tshimbila o namela, a tshi khou ḑi
imba.

O ḑisendeka, o ḑisendeka,
O ḑisendeka kha tshandala tsha lini na lini;

O disendeka, o disendeka,
 O disendeka kha tshanda tsha lini na lini.
 O rera nga ha khatulo ya mulilo i no khou da
 na tsevhela;
 Na Taduwa ha vhugala, hu sa fheli ha vho
 itwaho vho lugaho fhedzi.
 Musi o namela u budekanya dzithavha no vha
 ni tshi nga mu pfa a tshi imba ulu luimbo,
 Musi a tshi tshimbila o namela u ya phanda.
 Hu na maanda, maanda, maanda a shumaho
 zwimangadzo,
 Malofhani a Ngwana;
 Hu na maanda, maanda, oo, maanda a
 shumaho zwimangadzo,
 Malofhani a vhuṭhogwa a Ngwana.

164 Mureri o aluwaho wa sekhuthi. Ni a mu elelwa. Ni a vhona?

Zwino tshigidi tshawe ndi tsha kale huno tsho
 rusa, nahone tsho nembelela kha luvhondo;
 Bivhili yawe yo ṭahala nga maanda huno i
 na buse, huno i . . . a i anzeli u kwamiwa na
 luthihi; (Izwo ndi zwone.)
 Fhedzi Mulaedza une Ya ri disela wone u do
 ṭangana na riṇe nga ilo Duvha,
 Ngauri Ngoho ya Mudzimu i kha di matsha u
 ya phanda.

Roṭhe:

Vhugala! vhugala, haḽeḽuya!
 Vhugala! vhugala, haḽeḽuya!
 Vhugala! vhugala, haḽeḽuya!
 Ngoho Yawe i khou matsha u ya phanda.

165 Nṇe ndi khou yo lu guda ulwo. Ndo ima matsheloni
 ano musi ndo vha ndi tshi khou ṇwala ulwo fhasi, nda
 vhea tshanda tshanga kha tshigidi tshanga tsha kale tsho
 nembelelaho luvhondoni. Nda elekanya, “A hu nga fheli
 tshikhathi tshilapfu.”

Tshigidi tshawe ndi tsha kale huno tshi khou
 rusa, tsho nembelela luvhondoni, (Izwo ndi
 zwone.)
 Huno Bivhili yo ṭahala huno i na buse, huno a
 i anzeli u kwamiwa na luthihi;
 Fhedzi Mulaedza wawe u bvaho kha iyi
 Bivhili . . . kha Khatulo ḽiṇwe duvha;
 Huno Ngoho Yawe i dzulela u matsha u ya
 phanda.

166 Ngoho ya Mudzimu Bivhilini iyi! Iina. Yesu Kristo ndi a sa
 shanduki mulovha, ṇamusi, na lini na lini.

¹⁶⁷ Mureri o aluwaho wa sekhuthi e na tshigidi tshawe muṭanani wawe, Bivhili yawe tshandani tshawe, o buḑekanya luṭandala o namela, na nṭha ha dzithavha, na u tsela fhasi nga kha misele na huṇwe na huṇwe, a tshi khou rera nga ha Nwahagidi u ḑaho, nga ha Khaṭhulo ya mulilo u itela vha songo lugaho, nahone a tshi khou rera Muvhuso wa Mudzimu u itela vho lugaho. Ndi ngoho. Winchester tsha kale tshi khou rusa. Huno Bivhili, vha—vha na inwe bugu ya vhudzekani vhudzuloni Hayo. Fhedzi Ngoho ya Mudzimu i kha ḑi matsha u ya phanda. U Diita a re wa vhukuma ṇamusi, nahone u a zwi sumbedza, sa zwe A vha e zwone. “Ngoho ya Mudzimu i dzulela u matsha u ya phanda!”

Vhugala! vhugala, haḑeḑuya!

Vhugala! vhugala, haḑeḑuya!

Vhugala! vhugala, haḑeḑuya!

Ngoho Yawe i khou matsha u ya phanda.

¹⁶⁸ Ndi ngani? Muṇwe muthu u ḑo I dzhia. Ngauri Yesu Kristo ndi a sa shanduki mulovha, ṇamusi, na lini na lini. Kha ri lu imbe hafhu. Zwino hafha ro vangana, Mumethodisi, Mubaphuthisi, Muḑutere; tshinwe na tshinwe-vho. Musi ri tshi imba iyo khorasi ya u fhedza, kha ri khaḑane na muṇwe a re tsini hanu, huno zwenezwo ri ḑo balanganywa.

¹⁶⁹ Huno zwino, elelwani, inwi a no tea u ya tshivhidzoni tsha inwi muṇe, iyani madekwana a ṇamusi. Ni ndumelisele mufunzi waṇu. Huno—huno zwenezwo ni nthabelele, muṇwe na muṇwe waṇu. Huno zwenezwo hafhu ndi ṭoḑa ni tshi elelwa, arali ni si na fhethu hune ni nga ya . . .

[Mukomana Branham u amba na Murathu Neville—Mudz.] Huno arali ni tshi ḑo vha na tshinwe tshithu-vho.

Nga murahu ha mulaedza wa Murathu Neville madekwana a ṇamusi, nga murahu ha musu o no vha na mulaedza wawe, zwenezwo ndi khou ṭoḑou ita theiphi i no pfi *Tshedza Tshitswuku Tshi No Taidza Tsha U ḑa Hawe*, ni a vhona, madekwana a ṇamusi. Murena a ni fhaṭutshedze zwino. Huno vhege i ḑaho, ndi ḑo ralo, Swondaha i tevhelaho, Murena a tshi funa, ndi nga ḑi vha ngeno hafhu u ita inwe theiphi, ngauri ndi ḑo tea u vha ngei Arkansas vhege iyi i tevhelaho.

¹⁷⁰ Zwo luga, zwino kha ri imbe hafhu, nahone ri khaḑane zwino.

Vhugala! vhugala, haḑeḑuya!

Vhugala! vhugala, haḑeḑuya!

Murena Yesu, fhaṭutshedza izwi zwisagaduku!...?... [Mukomana Branham u a rabela musu tshivhidzo tshi tshi imba—Mudz.] Nga Dzina ḑa Yesu Kristo, ri vhea zwanda kha idzi sagaduku.

. . . u ya phanda.

Thendo kha Mudzimu! Zwino kha ri kotamise zwifhaṭuwo zwashu lwa tshifhingananyana fhedzi.

¹⁷¹ No tou swika nga tshifhinga, Mukomana Ruddell. Idani ngeno nṭha lwa tshifhingananyana fhedzi huno ni rabele. Mukomana Ruddell, muṇwe wa vharathu vhashu vhane ra vha vthathihi fhano, vha nyandano ya zwivhidzo ṭhukhu ine ra vha nayo, iyi ya muṭanganelano wa dzidinomineisheni. Huno ndo pfa tshiimo tsha tshivhindi tshe Mukomana Ruddell a tshi dzhia u itela—u itela Mafhungo-maḍifha. Huno ngauralo ndi—ndi amba izwi, Mukomana Ruddell, uri tshinwe na tshinwe ṇḍilani... Mudzimu ho ngo fulufhedzisa vhulalo ha maluvha ha vhuḍigeḍi. Fhedzi O fulufhedzisa nndwa, ee, fhedzi O fulufhedzisa gundo. Itsho ndi tshone tshithu.

¹⁷² Ndi a elelwa musi ndi tshi dzhia itshi tshiimo lwa u thoma, na mme na khotsi anga vha ṭoda u mpandela ṇḍuni. Ni a vhona? Fhedzi, yawee, nṇenṇe, nga ṇḍila ye nda vha lovhedza nga Dzina ḷa Murena Yesu! Mafulufhelo e oṭhe ane nda vhuya nda vha nao ṇamusu ndi nga nṭhani ha tshiimo. Ndo takala nga maanda uri Mulaedza wa Bivhili, u bvaho kha mureri o aluwaho wa sekhuthi u swika nga tshino tshifhinga... Naho vathu vho U fara huno vha U penyisa u mona hoṭhe, huno vha ita dzidinomineisheni nahone vha vhea dzindaela na tshinwe na tshinwe-vho Khawo, iyo Ngoho i kha ḍi matsha u ya phanda. Izwo ndi zwone. I kha ḍi matsha u ya phanda.

¹⁷³ Mudzimu a ni fhaṭutshedze, muṇwe na muṇwe, huno ri fhulufhela u ni vhona hafhu hu si kale vhukuma. U swika zwenezwo, naa ni ḍo nṇea iyi thuso nthihi zwino, fhano na kha yone theiphi, vhoiwi vharathu? Rabelani uri Mudzimu u ḍo vhea mbiluni yanga itsho tshinwe tshithu tshe nda xedza ngei nṇḍa kha uvho vhuḍinyadzi. Zwi leluwa nga maanda u fhaṭa vhuḍinyadzi.

Ndo vha na muvhudzisano nga ḷinwe ḍuvha na Mukomana Way wanga ro dzula hafha, ro ima hafha phanda. Munna wavhuḍi, fhedzi o ḍifhaṭa nga vhuḍinyadzi, luṇwe lushaka lwa vhuḍinyadzi, a ita zwenezwo zwithihi. Mukomana Way, ni nga zwi ita nga ṇḍila i leluwaho nga maanda; ndi zwa uri ni tou wana tshinwe tshithu tshiṭuku ṭhalukanyoni yaṇu, na dzulela u elekanya nga iyo ṇḍila. Humani huno ni zwi tsheke nga Luṇwalo, huno ni vhone arali zwi zwone kana hai, huno ni ṭuwe u bva heneffho u ya phanda. Iina. Ni songo xelexela nga vhuḍipfi ha vthathu. Ni a vhona? Ni fanela u elelwa uri a vho ngo itwa nga manyelo a saha. Vha ṇama na malofha, vthathu na muya. Nthabeleleni, vhoiwi noṭhe, arali ni tshi ḍo funa. Mudzimu a ni fhaṭutshedze zwino.

Ri khou yo kotamisa zwifhaṭuwo zwashu huno ra humbela Mukomana Ruddell arali a tshi ḍo...

¹⁷⁴ Thi zwi pfi? [Mukomana Parnell u ri, “Mukomana Branham, ndi na tshinwe tshithu tshine nda takalela u tshi amba, tshi do tou nnzhia hafu ya muthethe.”—Mudz.] Ho luga, mukomana. [Mukomana Parnell u amba nga ha muloro we a u lora.] Thendo kha Mudzimu! Uyu ndi mushumeli. Muñwe muthu a nga di si divhe. Huno o vha e muñwe wa tshigwada tshe, nda sa vhe na tshifhinga mats Sheloni ano, tshe tsha vha tshi kha muñwe wa iyo miloro, i tshi amba nga ha nne ndi tshi ya nga inwe ndila, ni a vhona, ndi tshi ya Vhukovhela, ndi tshi ya nnda Vhukovhela nga itshi tshifhinga tsho fhiraho. Mukomana J.T. Parnell.

¹⁷⁵ Zwino, hu nga di vha na vhatsinda vha no mangala nga ha vthathu vha tshi vha na miloro, nga ha vhalori. Hai, a ri tami tshakha dzothe dza miloro na zwithu, fhedzi ri tenda uri Bivhili yo ri, “Huno zwi do khunyelela mañuvhani a u fhedzisela, zwa uri Ndi do shulula Muya Wanga kha vthathu; huno vha do porofita, huno vha do vhona mabono, nahone vha lora miloro.” Huno samusi izwo zwi ngomu ha zwitibo zwa Bivhili, ndi mushumo wanga u zwi tenda na u zwi rera. Huno musi vthathu vha tshi amba miloro, arali Murena a sa nei thalutshedzo, ri a i litsha. Huno arali hu tshinwe tshithu. . . Musi muñwe muthu-vho a tshi amba nga dzindimi, dzi fanela u vha tshinwe tshithu kha tshivhidzo, huno tshi fanela u bvelela, na tshone-vho. Ri sa iti, hu do vha hu muya muvhi. Zwi fanela u khunyelela, nga uri thalutshedzo ya dzindimi ndi vhu porofita. Ri a zwi divha uri izwo ndi zwone. Nga uralo ri a lingedza fhanu u tshila Bivhili nga ndila yeneyo ine Ya funzwa ngayo. A ri tsi tshithu Khayo kana ra engedza tshithu Khayo, fhedzi ri tou I tshila nga ndila ine Ya vha ngayo. Murena a fhatutshedzwe. Izwo zwo nthusa, Mukomana J.T., u tenda uri. . . Mudzimu ho ngo mmbudza uri ndi bve zwino huno ndi leludze tshivhi; fhedzi itou bva nahone u dzulele u ita. Ni a vhona?

¹⁷⁶ Kha ri rabele zwino. Mukomana. . . [Khaladzi tshivhidzoni u a vhidzelela—Mudz.] . . Muñwe muthu o dzidzivhala. Lwa tshifhinganyana. Dzulani ni tokomelwe, muñwe na muñwe. Ni a vhona? [Mukomana Branham u tuwa kha phuluphithi huno u tsela fhasi tshivhidzoni.]

¹⁷⁷ Khotsi wa Taḍulu, khathutshelo Yau na vhuvhuya kha zwi vhe na Mukomana Way. Nga Dzina la Yesu Kristo, ngavhe a tshi vhuva. Mu ñee murahu, Murena, nahone mu ñee nungo na mutakalo.

Nga uralo nthuse, mbilu yawe i thoma u divhitha hafhu! Tokomelwani, muñwe na muñwe, huno ni tou rabela.

Murena Yesu, vhuvhuya Hau na khathutshelo kha zwi vhe na Mukomana Way, nga Dzina la Yesu Kristo.

¹⁷⁸ Zwo fhela. Musi ndo ima hafha kha iyi alitari, he mbulungo dza rerwa. Hune nda ima hafha, he maḍana a vthathu a rabela a vuledza kha Kristo. Ndo swikelela, maḱo awe o vha a sa poidzi,

ndivhitho yawe yo vha i si tsheeho. Huno ndi tshi kha ɗi bvou vhidza Dzina ɓa Yesu Kristo, huno ndivhitho yawe ya thoma u vhuya hafhu. Rendani Murena! Rendani Murena! Sa mushumeli wa tshifhambano, ndi amba izwo nga Dzina ɓa Yesu Kristo. Naa Ha mangadzi? [Tshivhidzo tshi ri, “Amene.”—Mudz.] Vhulwadze ha mbilu. Ni a vhona? Ndi a livhuwa nga maanda ngauri zwo bvelela zwenezwino, vhudzuloni ha u lindela u swika ro no ɗuwa. Ni a vhona tshilidzi tsha Mudzimu? Murena a fhaɗutshedzwe!

Kha ri tou kotamisa zwifhaɗuwo zwashu.

¹⁷⁹ Khotsi wa ɗaɗulu, ri a U livhuwa zwino kha vhuvhuya Hau na khathutshelo Yau. Iwe u vhukati hashu misi yoɗhe. Nɓee, Murena, Mapfura luvhoneni lwanga. Nɓee mu—mu—mu—Mugo wa Murena, uri ndi kone u U ɗharamudza, nga nɗha ha vhalwadze na vha ɗhupheaho. Uri ndi kone u zwi bvisela nɗa kha . . . u ɗisa phuluso kha avho vha re na ɗhodea, na khaɗhulo kha avho vha no U landula. Zwi tendele, Khotsi. Ri a U livhuwa kha vhuvhuya Hau hoɗhe, nga Dzina ɓa Yesu Kristo. Amene.

Mukomana Ruddell, Mudzimu a ni fhaɗutshedze, mukomana.



U IMA VHUKATI TSV63-0623M
(Standing In The Gap)

Hoyu Mulaedza nga Mukomana William Marrior Branham, u rangani wo newa nga Tshiisimane nga matsheloni a Swondaha, Fulwi 23, 1963, Thaberenakeleni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ndivhadzo ya nzivhanyedziso

Pfanelo dzothe dzo londolwa. Heyi bugu i nga di gandiswa nga tshigandisi tsha hayani u itela u shumiswa nga muthu ene mune kana uri i andadziwe, hu si na mbadelo, sa tshishumiswa tsha u phadaladza Mafhungo-madifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya talutshedzelwa kha dzinwe nyambo, kana ya shumiswa kha u tutuwedza u humbela tshelede hu si na thendelo yo nwalihaho zwi khagala nga Voice Of God Recordings®.

U itela u divha zwinzhi kana u itela zwinwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org